

婦人良方

衆疾

二之四

卷之二

衆疾門

產寶方論一

冠宗藥論三

卷之三

衆疾門

中風諸症方論一

中風口林示方論三

風痺手足不隨方論五

筋脉痠癢方論七

新附

風寒臂月痛方論九

博濟方論二
通用方序論四

中風角弓反張方論二

中風不語方論四

中風自汗方論六

虛風顫振方論八

新附

賊風偏枯方論十

卷之四

衆疾門

偏風口喎方論十一

失血過多心神不安方論十三

風邪顛狂方論十四

飛尸血厥方論十五

血風肢體骨節疼痛方論一

血風白虎歷節走注方論二

血風癰瘰癧瘡痒方論三

虛風頭目眩暈方論四

血風頭痛方論五

頸項強痛方論六

腰痛方論七

腰脚疼痛方論八

風邪脚氣方論九

太醫院校註婦人良方大全卷之二

江右臨川陳自明良甫編

太醫院使立齋薛已校註

建邑書林泗泉余彰德梓

衆疾門

經脈不調衆疾生焉故以次之

產寶方論第一

古人治婦人別著方論者以其胎妊生產崩傷之異况鬱怒倍於男子若不審其虛實而治之多致夭枉
愚按前說誠爲精確諺云寧治十男子莫治一婦人寧治十婦人莫治一小兒義可見矣

傳濟方論第二

夫人將攝順理則氣血調和六淫不能爲害若勞傷血氣則風冷乘之脾胃一傷飲食漸少榮衛日衰肌膚黃燥面無光澤若入太腸則下利若入關元則絕嗣故婦人病有三十六種皆由衝任勞損而致蓋衝任之脉爲十二經之會海其病皆見於少陰太陽之經當於此候之

愚按前論精密學者當從此類推之

冠宗奭論第三

婦人雖有別科然亦有不能盡聖人之法岐伯曰凡病察其形氣相得則易治形氣相失則難治又曰診病之道觀人勇怯骨肉皮膚能知其情以爲診法今富貴之家身處帷幔出入診候不能盡望聞問切之情率爾投藥烏可盡其術乎况醫者質問

諄諄病家遂謂術業不精而不信豈能使藥之奏效耶丹溪云
凡人之形長不及短大不及小肥不及瘦人之色白不及黑嫩
不及蒼薄不及厚而况肥人濕多瘦人火多白者肺氣虛黑者
腎氣足形色既殊臟腑亦異外證雖同治法迥別所以肥人責
脉浮瘦人責脉沉躁人疑脉緩緩人疑脉躁以其不可驟觀也
若夫病勢危急必須察色以觀其外診脉以知其內醫之道庶
乎不至於有誤矣

府庠徐道夫母胃脘當心痛極右寸關俱無左雖有微而欲
絕手足厥冷余以上部無脉不吐為不治然察其眼胞上下
青黯此脾虛肝木所勝以參朮茯苓陳皮甘草補中益氣以
本香和胃氣行肝氣以吳茱萸散脾胃之寒止心腹之痛遂

急與一劑連去二次再進諸病悉愈

通用方序論第四

夫通用方者蓋產前產後皆可用也或一方治諸症不可入於專門當通變而施治為可泥也

加減四物湯

治血虛月經不調腰腹作痛崩中漏下半產產

後惡露內停或去血過多而痛

方見第八十三論

愚按血虛之症若肝脾血燥用加味逍遙散肝火血燥用八珍湯加山梔牡丹皮肝經風熱血燥用六味地黃丸肝脾血燥血虛用四物柴胡山梔肝經氣血虛弱用四君若歸熟地腎水涸而肝血虛用六味地黃丸金匱末而肝血虛與心火亢而肝血虛亦用前丸若氣虛而血弱用補心湯胃氣陷而

血虛用補中益氣湯脾氣弱而血虛用六君子湯脾氣鬱而血虛用加味歸脾湯大凡血虛之症或氣虛血弱或陽氣脫陷或大失血以致發熱煩渴等症必用四君歸芪或獨參其溫之劑使陽旺則陰生其病自愈若用寒涼降火乃速其危也

交加散 治經脉不調腹中撮痛或結聚癥瘕產後中風

生地黃

取汁

生薑

取汁

右以地黃汁炒薑相薑汁炒地黃相乾為末每服三錢溫酒調加芍藥玄胡索當歸蒲黃桂心各一二兩沒藥紅花各五錢尤効

補中丸

治氣血俱虛諸症即八珍湯為丸

方見二十四卷
第四論

附方

加味歸脾湯

加味逍遙散

八珍湯

三方見二十四卷第四論

六味丸

方見二十四卷第十一論

四物湯

四君子湯

六君子湯

補中益氣湯

四方見二十四卷第六卷

獨參湯

方見二卷第十三論

太醫院校註婦人良方大全卷之二終

太醫院校註婦人良方大全卷之三

江右臨川陳自明良甫編
太醫院使立齋薛己校註
建邑書林泗泉余彰德梓

婦人中風諸症方論第一

夫中風者因內虛而中之也蓋風爲四時八方之氣常以冬至之日自坎而起從其鄉來者主長養萬物否則名爲虛風賊害萬物從背而入或中腑或中臟或中血脉經絡其症或肢体不遂或手足偏枯或痰涎壅塞或口眼歪斜或牙關緊急或腰背反張若眼開口閉涎流失音者難治如眼閉口開鼾睡遺尿者死中風中氣皆用蘇合香丸中氣用三生飲若作風治百無生

愚按中風者即內經所謂偏枯風痲風懿風痺是也而有中
腑中臟中血脉之分焉夫中腑者為在表中臟者為在裏中
血脉者為在中在表者宜微汗在裏者宜微下在中者宜調
榮中腑者多着四肢如手足拘急不仁惡風寒此數者病淺
皆易治用加減續命湯之類中臟者多滯九竅如眼瞤者中
于肝舌不能言者中于心唇緩便秘者中于脾鼻塞者中于
肺耳聾者中于腎此數者病深多難治中血脉者外無六經
之證內無便溺之阻肢不能舉口不能言用大秦乾湯主之
中腑者多蕪中臟如左關脉浮弦面自青左脇偏痛筋脉拘
急目瞤頭自眩手足不收坐蹠不得此中膽蕪中肝也用犀
角散之類如左寸脉浮洪面舌赤汗多惡風心神顛倒言語

寒澁舌強口乾怱悸恍惚此中_テ小腸_ヲ熱_ス中心_ニ也用_ニ麻黃散_一之類如右關脉浮緩或浮大面唇黃汗多惡風口喎語澁身重怠惰嗜_ニ臥_一肌膚不仁皮肉瞶動腹膨不食_共此中_ニ胃_ヲ熱_ス中_ニ脾_ヲ也用_ニ防風散_一之類如右寸脉浮瀼而短面色白鼻流清涕多喘胸中冒悶短氣自汗聲嘶四肢痿弱此中_ニ大腸_ヲ熱_ス中_ニ肺_ヲ也用_ニ五味子湯_一之類如左尺脉浮滑面自黧黑腰脊痛引小腹不能_レ伸仰兩耳虛鳴骨節疼痛足痿善恐此中_ニ膀胱_ヲ熱_ス中_ニ腎_ヲ也用_ニ獨活散_一之類此皆言_ニ真中風_一也而有_ニ氣血_一之分焉蓋氣虛而中者由元氣虛而賊風襲之則右手足不仁用_ニ六君子湯_一加_ニ釣藤薑汗竹瀝_一血虛而中者由陰血虛而賊風襲之則左手足不仁用_ニ四物湯_一加_ニ釣藤竹瀝薑汗_一氣血俱虛而中者則

左右手足皆不仁也。用八珍湯加釣藤薑汁竹瀝其與中風相類者。則有中寒中濕中火中氣食厥勞傷房勞等症。如中於寒者。謂冬月卒中寒氣昏冒口噤肢拏惡寒脈浮緊用麻黃桂枝理中湯之類。中於暑者。謂夏月卒中炎暑昏冒痿厥吐瀉喘滿用十味香薷飲之類。中於濕者。丹溪所謂東南之人多因濕土生痰痰生熱熱生風也。用清燥湯之類。加竹瀝薑汁中於火者。河間所謂非肝木之風內中六淫之邪外侵良由五志過極火盛水衰熱氣拂鬱昏冒而卒仆也。用六味丸四君子獨參湯之類。內有悲怒傷肝火動上炎者。用柴胡湯之類。中於氣者。由七情過極氣厥昏冒或牙關緊急用蘇合香丸之類。誤作風治者死。食厥者過於飲食胃氣自傷不

能運化故昏冒也用六君子加木香勞傷者過于勞役耗損元氣脾胃虛衰不任風寒故昏冒也用補中益氣湯勞勞者曰腎虛精耗氣不歸源故昏冒也用六味丸此皆類中風者也夫內經主于風河間主于火東垣主于氣丹溪主于溫愚之斯論僭補前人之闕也若夫地之南北人之虛實固有不同其男子女人大畧相似當與後論參看通變治之

附治驗

靳閣老夫人先胸脇脹痛後四肢不收自汗如水小便自遺太便不實口紫目瞶飲食頗進十餘日矣或以為中臟公甚憂余曰非也若風既中臟真氣既脫惡症既見禍在反掌焉能延之乃候其色面自俱赤而面或青診其脉左三部洪數

惟肝尤甚。余曰：胸乳脹痛，肝經血虛，肝氣否塞也。四肢不收，肝經血虛，不能養筋也。自汗不止，肝經風熱，津液妄泄也。小便自遺，肝經熱甚，閉挺失職也。太便不實，肝木熾盛，尅脾土也。遂用犀角散四劑，諸症頓愈。又用加味逍遙散調理而安。後因鬱怒，前症復作。兼發熱嘔吐，飲食少思，月經不止。此木盛尅土，而脾不能攝血也。用加味歸脾湯為主，佐以加味逍遙散，調補肝脾之氣，清和肝脾之血，而愈。後每遇怒或睡中手足抽搐，復用前藥，即愈。

大承朱雲溪母于九月內忽仆地，痰味不省，人事唇口喎斜，左目緊小，或用寒血之劑，其勢稍緩。至次年四月初，其病復作，乃大作小便，自遺或譫風。

中于臟以為不治余診之左關弦洪而數此屬肝火血燥也
遂用六味丸加五味麥門苦滯一劑而飲食頓進小便頻調
隨用補中益氣加茯苓山梔釣藤丹皮而安至十月復以傷
食腹痛作瀉左目仍小兩關尺脉弦洪鼓指予以六君加木
香吳茱升麻柴胡一劑而痛瀉俱緩復以六君加肉果故紙
一劑諸脉頓平痛瀉俱止余謂左關弦洪由肝火血燥故左
目緊小右關弦洪由肝邪乘脾故唇口喎誤作風中投以風藥以腹
鼓指由元氣下陷設以目緊口喎誤作風中投以風藥以腹
痛泄瀉誤作積滯投以峻劑復耗元氣為害甚矣後以陽虛
惡寒圍火過熱致發喘誤服寒劑而卒

一婦人因怒什地語言塞澁口眼喎斜四肢拘急汗出遺尿亦

脉洪大肝脉亢甚皆由肝火熾盛蓋肝主小便因熱甚而自遺也用加味道遙散加釣藤及六味丸尋愈

一老婦兩臂不遂語言蹇澁服祛風之藥反致筋攣骨痛余謂此肝火血虛所致用八珍湯補氣血用地黃丸補腎水佐以排風湯年餘而愈

一婦人經行口眼歪斜痰涎壅盛此血虛而肝火動用加味道遙散加牡丹皮治之尋愈後因飲食停滯日吐痰涎此脾氣虛不能攝涎歸經也用六君子二十餘劑而安

一婦人因怒口眼歪斜痰涎上湧口噤發搐此脾肺氣虛而肝木旺用六君子加木香釣藤柴胡治之漸愈又用加味歸脾湯調理而安

一產婦勤於女工，忽仆地，牙關緊急，痰喘氣粗，四肢不遂，此氣血虛而發。經朝用補中益氣湯加茯苓，半夏，又用八珍湯加半夏各三十餘劑，不應。此氣血之未復，藥之未及也。仍用前一湯，又五十餘劑，尋愈。

一婦人素有內熱，月經不調，經行後四肢不能伸屈，床半載或用風濕痰火之劑，不效。其脉浮緩，按之則濡，名曰瘰癧，屬風寒所乘。用加味逍遙散加肉桂、防風、四劑頓愈。更以八珍湯調理，兩月餘而瘳。

一婦人素經行，後期因勞怒，四肢不能屈，名曰瘰癧，此血虛而風熱所乘。先用八珍湯加鈎藤、柴胡、斷愈。更佐以加味逍遙散調理而瘳。

婦人四肢鑱痛煩痛自汗小便短少畏見風寒脉浮弦緩此
氣血虛而風寒濕熱相搏先用東垣清燥湯漸愈再用加味
逍遙散及八珍湯加牡丹皮而痊

婦人素有火忽然昏瞶癱瘓抽搐數次四肢筋牽痰涎
上升此肺金燥甚血液衰少而然也用清燥湯六味丸煎服
尋愈

婦人肢節作痛不能轉側惡見風寒自汗盜汗小便短少雖
夏亦不去衣其脉浮紫此風寒客於太陽經用甘草附子湯
一劑而瘥

婦人因怒發搐嘔吐痰涎口禁昏憤氣也脉大於人迎此氣
滯而食厥用平胃散加茯苓半夏香附之而甦更以六君

子加木香漸愈乃去木香又二十餘劑而痊

一婦人元氣素虛勞則體麻發熱痰氣上攻或用烏藥順氣散祛風化痰丸之類肢體痿軟痰涎自出面色痿黃形體倦怠而脾肺二脉虛甚此氣虛而類風朝用補中益氣湯夕用十全大補湯漸愈又用加味歸脾湯調理尋愈

一婦人體肥肝頭自眩暈肢體麻木腿足痿軟自汗身重其脉滑數按之沉緩此濕熱乘虛也用清燥養活二湯漸愈更佐以加味道遙散全愈

一婦人口眼歪斜四肢拘急痰涎不利而惡風寒其脉浮緊此風寒客於手足陽明二經先用省風湯二劑後用秦艽升麻湯而愈

一婦人素性急患肝風之症常服搜風順氣丸秦艽湯之類後
大怒吐血唇舌窒塞小便頻數或時自遺余以為肝火旺而
血妄行遂用小柴胡湯加山梔牡丹皮漸愈五年之後又大
怒吐血誤服降火祛風化痰之劑大便秘數腹滿少食用
清氣化痰之劑嘔而不食頭暈口乾不時吐痰用導痰降火
之類痰出如湧四肢常冷余曰嘔而不食胃氣虛弱也頭暈
口乾中氣不能上升也痰出如湧脾氣不能攝涎也四肢逆
冷脾氣不能運行也用補中益氣加茯苓半夏治之諸症漸
愈又用加味歸脾湯兼服而安

鴻臚王繼之室人素有癰症遇勞役怒氣則發良久自能下
日因飲食勞役失宜發而半日方省不能言語或以為風中

于臟用祛風化痰順氣之劑及牛黃清心丸病益甚六脉浮大兩寸虛而不及本部且進飲食余曰此脾胃之氣傷也若風中于臟禍在反掌彼不信仍用風藥後果卒

婦人吐痰頭暈肢體麻木見第四卷

娠婦發搐似中風見第十四卷

產後發瘕似中風見第十九卷

男子諸症見內科摘要

排風湯 治風邪入臟狂言妄語

白鮮皮

白木

白芍藥炒桂心

川芎

當歸

防風

杏仁

去皮尖炒甘草各二兩

白茯苓

麻黃去節

獨活各三兩

三生飲

治卒中不省口眼喎斜痰壅喉響無問外感內傷痰

延食厥氣虛眩暈但六脉沉悉有神効

生南星

生烏頭去皮上

生附子去皮

木香一錢

右每服半兩薑水煎不省人事以細辛皂角末少許吹鼻中得嚏進藥氣盛只用南星五錢生薑十四片煎飲之名星散愚按三生飲乃行經絡治寒痰之良藥斷開奪旗之神劑每服必用參兩許驅其外邪而補其真氣否則不惟無益適以取敗觀先哲用芪附木附等湯其義可見

加減小續命湯

治中風半身不遂口眼喎斜手足戰掉語言

寒澁神思昏亂筋攣骨痛或脚氣緩弱陰晦復作

麻黃湯附方已

人參

黃芩炒

桂心

甘草炒

白芍藥 川芎 杏仁酪 附子炮半 防風半

右每服五錢薑棗水煎精神恍惚共加茯苓遠志有熟去附子
加芍藥心煩加犀角半兩骨蒸痛加桂附嘔逆腹脹加入參
半夏一兩躁悶便澀去附子加芍藥一兩竹瀝一合臟寒下
利去防已黃芩加附子白朮一兩白汗去麻黃杏仁加白朮
一兩脚弱加牛膝石斛一兩身痛加秦艽一兩腰痛加桃仁
杜仲半兩失音加杏仁一兩

小引風湯

防風 獨活 細辛 川芎 五味子炒

白茯苓 人參 白芍藥炒 白朮炒 甘草等分

右每服五錢薑三片杏仁五箇水煎服加麻黃茯苓附子當

歸於羊角等分即太引風湯也

必効竹瀝湯

治中風痰涎壅盛言語塞滯四肢緩縱

秦朮

防風

獨活

附子

炮各一錢

右以水二盞煎半盞入生地汁淡竹瀝各半盞再煎四五沸作四服病既去以他藥調治未愈再服最効

星香湯

治中風痰盛服熱藥不得者

南星

木香等分

右每服四錢薑十片水煎

星附湯

治中風痰涎上攻六脈沉伏不知人事

附子

生用

南星

生用各一兩

木香

半兩

右每服四錢薑水煎寒甚加天雄川烏多炙各二錢關元丹由二五

附方

三化湯 治中風外有六經之形症先以加減續命湯治內有便溺之阻隔者此方主之

厚朴

薑汁炒

大黃

酒蒸

枳實

麩炒

羌活

各八兩

右每服一兩水煎

秦艽湯 治中風外無六經之形症內無便溺之阻隔乃血弱不能養於筋手足不能運動口強不能言宜養血而筋自榮也

秦艽

石膏

各兩

甘草

炒

川芎

當歸

芍藥

炒

羌活

獨活

防風

黃芩

炒

白芷

生地黃

熟地黃

自製

白朮

白茯苓

各一兩

細辛

半兩

右每服一兩水煎陰兩加生薑七片春夏加知母一兩

省風湯

治中風口噤口眼喎斜筋脉急抽掣疼痛風熱

防風

南星

生用各四兩

半夏

水浸洗生用

黃芩

炒甘草

生用各二兩

右每服五錢水煎

大風湯

方見後

燒竹瀝法

用新竹截尺許作兩片用兩磚對立竹仰磚上中

以火燒之兩頭瀝自出取荆瀝亦然

烏藥順氣散

治風氣骨節疼痛遍身頑麻手足癱瘓言語蹇

澁宜先疎氣道後隨証投藥

麻黃

去節

烏藥

陳皮

去白

川芎

白芷

桔梗

枳殼

去穢炒

甘草

炒各一兩

乾薑

炮半兩

殭蠶

去土炒

右每服五錢薑水煎頭痛此六加葱白有汗有汗加薄荷

八味順氣散

白朮

白茯苓

青皮

白芷

陳皮炒

烏藥

人參各一兩

甘草炙半兩

右每服五錢水煎

導痰湯

半夏

南星

茯苓

陳皮炒

枳實炒

甘草炒

右薑水煎服

參蘇飲

治痰積中脘暈眩此六嘈雜怔忡噦逆此六或痰停關節手足

轉曳此六口眼喎斜半身不遂嘔吐惡心頭疼發熱此六

人參

紫蘇葉

半夏

茯苓

大醫方
卷
三
十

乾葛

前胡各三錢

甘草炒

水香

陳皮炒

枳殼製

苦梗各半兩

右每服一兩薑水煎腹痛如芍藥

附子理中湯

治中寒石語四肢強直昔有武士守邊太雪山

帳觀瞻忽然暈倒又馬觀文之內厥逆惡寒腹痛服此悉愈

方見十二卷第八論

牛黃清心丸方見後

秦艽升麻湯治風寒客於手足陽明經口眼喎斜惡見風寒

四肢拘急其脉浮緊

秦艽二錢

升麻

乾葛

甘草

芍藥炒

人參各半兩

防風

桂枝各二錢

右每劑丁酉連鬚葱白二莖水煎服

犀角散 治肝臟中風筋脉拘攣手足不收坐踞不得胃背強

直脇肋脹滿面赤心煩言語蹇澁或風流注四肢上攻頭面

作痛口眼喎斜脚膝痛之

犀角屑二錢

石膏

羌活

羚羊角各一錢

人參

甘菊花

獨活

黃芩炒

天麻

枳殼土穰炒

當歸

黃芪

芎藭

白木入

酸棗仁炒 防風

白芷各五分

甘草分五

右水薑煎

薏苡仁散 治肝臟中風

薏苡仁

麻黃

去節各一錢半

防風

附子

炮去皮臍

川芎

栝子仁

桂心

枳殼

炒

石膏

細辛

獨活

羚羊角

各一錢

右薑水煎服

射干湯 治肝經受病多汗惡風善悲嗌乾目下青黃可治急

灸肝膈百壯一黃一白不可治

射干

芍藥

各二錢半

薏苡仁

三錢

桂心

半錢

牡蠣

石膏

各二錢

右作三劑水煎服

治肝臟中風心神煩熱言語蹇澀不得安卧

竹瀝

荆瀝

葛根

生薑汁

白蜜

各一合

右和勻頻服之

麻黃散 治心臟中風多汗惡風善怒心神顛倒言語寒澀舌

強口乾面赤頭痛翕翕發熱胃背拘急手心熱甚偃卧不測
忪悸恍惚或寒鷄心驚悸口喎冒昧好笑

麻黃去節

白木

防風

川芎

甘草炙

漢防已

當歸

人參各一錢

羌活

遠志去心

茯神

去木各一錢半

升麻

八分

桂心

半錢

右水薑煎入竹瀝半盞再煎一二沸

茯神散 治同前或四肢沉重精神不安或痰氣不利

茯神

去不

羌活

麻黃

去節

龍齒

另研

赤芍藥

甘草

炙各一錢

蔓荊子

薏苡仁

麥門冬

去心

人參

去蘆

防風去蘆

犀角屑各七分半

右薑水煎服

加味生黃散

治症同前或恍惚恐亂睡卧不得志意不定

牛黃

麝香

犀角鎔

羚羊角鎔

龍齒

各另研

防風

天麻

獨活

人參

茯神去水

升麻

甘草多

白鮮皮

遠志去心各二錢半

天竺黃

三錢另研硃砂另研水飛

鉄粉另研

麥門冬去心各半兩

右爲末每服二錢煎麥門冬湯調

遠志湯

治症同前或偃卧不側悶亂胃絕若唇色正赤可治

急灸心膻百壯若青黃不定面色轉戰慄動者不可治

遠志

去心二錢半

人參

石菖蒲

羌活

細辛

麻黃

去根各半兩

赤芍藥

白朮

各兩

右為末每服二錢煎小麥湯調日二服

防風散 治脾臟中風多汗惡風身體怠惰四肢不能動色微

黃不嗜食舌強語澁口喎斜僻肌膚不仁腹膨心煩翕翕發

熱神思如醉其脉浮緩胃滿痰涎志慧昏濁

獨活

一錢半

防風

茯神

去木

人參

附子

炮去皮脂

前胡

沙參

半夏

湯洗七次

黃芪

炒

旋覆花

羚羊角

鎔末

甘草

炙各一錢

右水薑煎

白朮湯 治症同前或腹滿身黃嘔吐酸水急灸脾腧百壯目

下及手足青者不可治口角兩邊黃者可治

白朮

厚朴薑製

防風各二錢

附子炮去皮臍

橘紅

白鮮皮

五加皮各一錢

右水薑煎

細辛散

治症同前或肉熱肌膚痒痒如蟲行或汗大塊皮膚

不澤唇鼻黃色

細辛

白朮

獨活

附子炮去皮臍

肉桂

防風各一錢

厚朴薑製

麻黃去節各二錢

枳實

炒麩

甘草

炒各一錢五分

右水煎

防風麻黃散

治症同前或志意恍惚肢體沉重

防風

麻黃去節

人參

川芎

附子

炮去皮臍

桂心

黃芪炒

赤茯苓

酸棗仁

炒

白朮

獨活

桑白皮

炒各一錢

羚羊角

銹末一錢

甘草

炒五分

右水煎服

五味子湯

治肺臟中風胃滿短氣胃悶汗出噓吸顫掉聲嘶

體重四肢痿弱其脉浮晝瘥夜甚偃卧胃悶其鼻兩邊下至

口上至眉其色白者急灸肺腧百壯若色黃其肺傷而為血

矣撮空拈衣摸床者必死

五味子

杵炒

杏仁

炒去皮尖

桂心

各一錢

防風

去蘆

甘草

炙

赤芍藥

川芎

各二錢

川椒

三分

右水煎服

獨活細辛散

治症同前或頭痛項強背痛鼻乾心悶語塞胸

中少氣四肢疼痛

獨活

細辛

附子

炮去皮臍

甘菊花

麻黃

去蘆

白芷

五味子

炒持

紫苑茸

赤茯苓

肉桂

白朮

川芎

桑白皮

各一錢

甘草

炙半錢

杏仁

麩炒去皮

防風

各一錢

右水煎服

獨活散

治腎臟中風腰疼不得俛仰或偏枯耳鳴語聲渾濁

面色浮腫骨節痠疼精神昏憤善恐好忘而肌色黧黑身體沉重多汗惡風隱曲不利或兩脚冷痺頭昏耳聾語音渾濁

獨活

附子

炮去皮臍

當歸

洗酒

防風

天麻

桂心

各一錢

川芎

甘菊花

枳殼

炒麩

山茱萸

取肉

黃芪

炒

丹參

牛膝

酒浸

草薢

酒浸

甘草

炙

細辛

葛蒲

白朮

各半錢

右水煎服

革薢散

治症同前或脊骨促痛不能行立肌膚黑色兩脇赤

黃如餅者可治急灸腎臑百壯齒黃髮稿面如土色者不可

草薢

酒浸

狗脊

杜仲

炒去絲

白茯苓

去皮各一兩

何首烏

天雄

去皮臍炮

澤瀉

各半兩

右為末每服二錢米飲調下

吳茱萸丸

治症同前或惡風多汗面色浮腫腰膝疼痛形色

憔悴

吳茱萸

細辛

白茯苓

獨活

木香

山茱萸

取肉

牛膝

石斛

草薢

酒浸各半兩

附子

炮去皮臍

芎藭

各二錢

右為末酒糊丸桐子大每服二十九空心鹽湯下日二服

黃芪丸

治症同前或麻痺腫痛少氣肢體乏力

黃芪

炒

川椒

炒

茴香

炒

川烏頭

去皮臍

狼毒

防風

川練子肉

白蒺藜

炒

地龍

去土炒

黑附子

炮去皮臍

赤小豆

各等分

右為末酒糊丸桐子大每服二十九溫酒下日二服

四君子湯

六君子湯

補中益氣湯

四物湯

四方見二十四卷第六論

十全大補湯

八珍湯

加味歸脾湯

加味道遙散

四方見二十四卷第四論

理中湯

方見二十卷第八論

清暑益氣湯

十味查需飲

二方見本卷第二論

東垣清燥湯

方見四卷第二論

六味丸

方見二十四卷第十一論

獨參湯

方見本卷第十三論

小柴胡湯

方見二十四卷第二論

蘇合香丸

方見後

羌活湯 方見後

甘草附子湯 方見後

平胃散 方見十一卷第十八論

婦人中風用方及張方論第二

論曰婦人氣虛風入諸陽之經或產後血虛汗出中風體強口
噤腰背反張名為發瘕因太陽經先傷風復感寒而致如發瘕
狀但脉沉遲弦細無汗惡寒名剛瘕有汗不惡寒名柔瘕無汗
者葛根湯小續命湯有汗者去麻黃加葛根

愚按仲景先生云太陽病發汗太多致瘕風病下之則瘕三
因方云氣血內虛風寒濕熱所中則瘕以風能散氣故有汗
而不惡寒曰柔瘕寒能澁血故無汗而惡寒曰剛瘕非專於

風濕因內虛發汗亡血筋無所榮而然乃虛象也。痛謂傷寒
汗下過度與產婦潰瘍等病及因剋伐之劑傷損氣血而變
若金衰木旺先用瀉青丸後用異功散腎水虛用六味丸肝
火旺先用加味小柴胡湯次用加味四物湯發熱用加味逍
遙散若本侮脾土用補中益氣加芍藥山梔脾經鬱結用加
味歸脾湯脾土濕熱用大承氣湯大凡病後氣血虛弱用參
朮濃煎佐以薑汁竹瀝時時用之如不應用十全大補湯更
不應急加附子或用參附湯緩則不救仍與後治驗案看

附治驗

一婦人脾胃虛弱忽痰壅氣喘頭搖目劄手揚足擲難以候脈
視其面黃中見青此肝木乘脾土用六君加柴胡升麻治之

而甦更以補中益氣加半夏茯苓而痊

葛根湯 治剛瘕無汗惡風

葛根錢

麻黃去根節

殭蠶炒各三分

桂枝

粉草炒

芍藥各五分

大棗三箇

右水煎出汗為度凡注後麻黃宜斟酌用

附木湯 治手足逆冷筋脉拘急汗出項強口噤痰湧

附子炮

白朮獨活各五分

川芎

肉桂各三分

右棗水煎服

桂心白朮湯 治陰瘕手足厥冷筋脉拘急汗出不止

白朮

桂心附子炮

防風

川芎

甘草各等分

三卷

廿七

右每服五錢薑棗水煎

八物白朮散 治陰痿手足厥冷筋急脉拘而無汗者

白朮

麻黃去根節

茯苓

五味子杵炒

羌活

各半兩

附子炮

桂心各三錢

良薑一錢

右每服四錢薑水煎

凡用麻黃宜斟酌不可過多

附方

通關散 治卒然牙關緊急腰背反張藥不得嚥

細辛

薄荷葉

牙皂角

各等分

右為末每用少許吹鼻內候得噴嚏隨進湯藥

瀉青丸

方見二十四卷第三論

異功散

方見二十二卷第三論

六味丸

方見二十四卷第十一論

加味小柴胡湯

方見二十四卷第二論

補中益氣湯

加味四物湯

二方見二十四卷第六論

加味逍遙散

十全大補湯

加味歸脾湯

三方見二十四卷第四論

大承氣湯

方見

參附湯

方見十二卷第三論

卷二十四論第三

夫中風口噤乃體虛受風入於頷頰蓋手三陽之經結於頷頰
上夾於口風邪乘之則筋攣故牙關急而口噤也
愚按前症若風邪客於手足陽明經口眼喎斜用秦艽升麻

湯若風熱傷氣用省風湯當與後方同用

附治驗

一婦人因怒經事淋瀝半月方竭遇怒其經即至甚則口噤筋
攣鼻衄頭痛痠疼搐搦瞳子上視此肝火熾甚以小柴胡湯
加熟地黃山梔釣藤治之後不復發

一婦人素陰虛患遍身癢痒誤服祛風之藥口噤抽搐肝脉洪
數余曰肝血為陰為水肝氣為陽為火此乃肝經血虛火盛
耳宜助陰血抑肝火用四物麥門五味柴胡山梔生草熟地
頓止又以八珍黃芪麥門五味釣藤炙草調理而痊

天南星散

治中風口噤四肢拘急或痰氣上壅

天南星

薑汁炒黃

白附子炮

黑附子炮

烏蛇肉炙酒

全蝎炒等分

右為末每服半錢薑汁溫酒調灌

走馬散 治中風口噤四肢強直

黑附子炮

天麻各半兩

桂心

石膏

麻黃去根節

蝎梢炒

川烏炮去皮頭

南星炮各一錢

麝香二分另研

右為末每服三分豆淋酒調灌

附方

秦艽升麻湯

省風湯 二方見本卷第一論

小柴胡湯

方見二十四卷第二論

四物湯 方見二十四卷第六論

八珍湯方見二十四卷第四論

婦人中風不語方論第四

巢氏云脾脉絡胃夾咽連舌本散舌下心之別脉係舌本若心脾受邪則舌強不能言然喉嚨者氣之上下也會厭者聲之戶舌者聲之機唇者聲之扇若風寒客於會厭故卒然而瘖經云瘖卧當風使久發瘖

愚按前症若因痰迷心竅當清心火若因濕痰舌強當清脾熱若因風熱牙關緊急當清肝火若因風痰塞喉當導痰涎若因虛火上炎當壯水之主若因氣虛厥逆當益火之源若因腎虛舌瘖而不語當補腎氣

附治驗

一婦人因怒仆地痰湧不語灌牛黃清心丸稍甦用神仙解語
湯加山梔柴胡桔梗漸愈又用六君柴胡山梔枳殼而痊
一婦人忽然不語半年矣諸藥不應兩尺浮數先用六味丸料
加肉桂數劑稍愈乃以地黃飲子三十餘劑而痊男子多有
此症亦用此藥治之

神仙解語丹 治心脾受風言語蹇澁痰唾溢盛

白附子炮

石菖蒲去毛

遠志去心甘草水煮十沸

天麻

全蝎

羌活

南星

牛膽釀如無只炮各一兩

木香

半兩

右為末麪糊丸桐子大每服二三十九薄荷湯下
防風湯

石斛酒一兩半炒

生地黃

杜仲去皮切薑汁炒

丹參各一兩錢

防風

川芎

麥門冬去心

桂心

獨活

右每服五錢棗水煎

竹瀝湯 治風中肝脾四肢不遂舌強語滯或痰涎上湧

葳靈仙

附子炮

苦梗

蔓荊子

防風

枳殼去穢炒

川芎

當歸各等分

右每服四錢薑水煎入竹瀝半盞日四服忌飲茶

三黃獨活湯 治中風手足拘攣半身不遂失音不語

麻黃去根節

黃芪半兩

黃芩七錢

獨活一兩

右每服四錢水煎取汗為效

小省風湯 治中風癱瘓口眼喎斜口噤不語手足頑麻

防風 南星湯炮各三兩 甘草炙

右每服四錢薑十片水煎

秦艽升麻湯 方見本卷第一論

愈風湯 治諸風肢體麻木手足不隨不能動履等症

天麻 牛膝同酒浸焙乾 草薢另研細

玄參各六兩 杜仲七兩 羌活十四兩

當歸 熟地黃自製 生地黃各一斤

獨活五兩 肉桂三兩

右為末煉蜜丸桐子大常服五七十丸病甚至百丸空心食

前溫酒或白湯下

地黃飲子 治腎虛弱舌瘡不能言足廢不能行

熟地黃白製

巴戟去心

山茱萸去核

肉蓯蓉酒浸焙

石斛

附子炮

五味子炒杵

白茯苓

石菖蒲

遠志湯泡

桂心

麥門冬去心各等分

右每服三錢入薄荷少許薑棗水煎服

牛黃清心丸

治諸風痰癱語重寒濕健忘恍惚頭目眩暈胸

中煩鬱痰塞喘嗽精神昏憤或尋常風痰咳嗽或傷寒陽症

汗下不解發熱煩渴其効如神

牛黃一兩二錢

麝香

龍腦三味分研

羚羊角鎊末各一兩

當歸酒洗

防風

黃芩

白朮

麥門冬去心

白芍藥各一兩半

柴胡

桔梗

白茯苓

杏仁去皮尖

芫薺

肉桂

大豆黃卷

阿膠各一兩七錢

蒲黃

人參去蘆

神麴各二兩半

雄黃另研八錢

甘草五兩

白欬七錢半

乾薑七錢半

犀角鎊末二兩

金箔一千三百片為衣

乾山藥七兩

大棗一百枚熬熟去皮核研爛成膏

右各另為末煉蜜與棗膏丸每兩作十丸用金箔為衣每服一九溫水化下

蘇合香丸

治氣中痰氣上攻牙關緊急不省人事或卒暴氣

逆心痛鬼魅惡氣及一切氣滯等症

沉香

麝香

訶子肉

丁香

青木香

安息香

香附

華撥

白朮

白檀

各二兩

薰陸香

蘇合油

各一兩

龍腦

另研

朱砂

另研

烏犀角

末

右為末用

安息香并煉蜜

丸桐子

大溫水

化服

四九

每兩作

十九

熔黃臘

包裹為善

青州白丸子

治半身不遂

口眼喎斜

痰涎壅塞

手足頑麻

治

半夏

七兩

水洗

川烏頭

半兩

去皮

南星

二兩

生用

白附子

二兩

生用

右為末用絹袋盛之水浸日如急用以糊丸桐子大每服十丸薑湯下

瓜蒂散

瓜蒂二錢

赤小豆五分

右為末每夜於鼻內嚙之取下黃水內服涼劑

六君子湯

方見二十四卷第六論

婦人風痺手足不隨方論第五

夫婦人風痺手足不隨或肌膚疼痛或肢體麻木蓋諸陽之經皆起於手足循行肢體因氣虛風邪所客而為患也

愚按經云邪之所湊其氣必虛前症若風邪滯肝或怒動肝火血燥筋攣用加味逍遙散脾肺氣虛肌膚不仁手足麻木

用三痺湯若腎水虧損不能滋養筋骨或肝脾血虛而筋痿痺用六味丸服燥藥而筋攣者用四物生甘草氣血俱虛用八珍湯何醫林集要等方新刊丹溪心法附錄云若人大病指麻木不仁或手足少力或肌肉微掣三年內必有太風之症宜先服小風湯天麻丸防風通聖散以預防之殊不知河間云風者病之末也所以中風有癱瘓者非謂肝木之風內中亦非六淫風邪外襲良由五志過極心火熾盛腎水虛衰不能制之則陰虛陽實而熱氣拂鬱心神昏憤筋骨無用而卒倒無知也治當以固元氣為要若遽服小風等藥則反傷元氣適足以招風取中仍參本卷首論主治

附治驗

一婦人因怒吐痰胸滿服二陳順氣化痰之劑半身不遂內熱
口乾形氣殊倦余視之乃肝火熾盛而侮脾土也用逍遙散
補中益氣湯六味地黄丸喜其慎疾年餘而愈
一孀婦胸脇脹痛內熱晡熱月經不調肢體痠麻不時吐痰或
用清氣化痰藥喉間不利白帶腹脹又用清熱理氣藥胸膈
不寬肢體時麻余曰此本鬱怒傷肝脾前藥傷甚耳朝用歸
脾湯以解鬱結生脾氣又用加味逍遙散以生肝血清肝火
百餘劑而愈後因怒肢體復麻用補中益氣加山梔茯苓半
夏而痊後復怒病再作月經如注脉洪而數此肝火傷脾不
能攝血所致也用六君芎歸炮薑一劑而血止用律中益氣
加炮薑茯苓半夏四劑而胃醒更用歸脾湯逍遙散調理而

一婦人頭暈吐痰用化痰理氣藥肢體或麻或痺服祛風化痰藥於
體常麻手足或冷或熱此脾土虛而不能生肺金用補中益
氣加茯苓半夏炮薑二十餘劑脾氣漸復諸症稍愈更用加
味道遙散三十餘劑而愈後因怒吐痰自服清氣化痰丸飲
食不進吐痰甚多胸脇脹滿余用六君子倍加參朮少加木
香數劑而康

三痺湯 治血氣凝滯手足拘攣風痺等疾

續斷酒浸炒

杜仲去皮切薑汁炒

防風

桂心

細辛

人參

白茯苓

當歸

白芍藥炒

黃芪炒

牛膝酒浸炒

甘草炒各五分

秦艽

生地黄

川芎

獨活各三分

右薑水煎服

五痺湯

治風寒濕氣客留肌體手足緩弱麻痺不仁

片薑黃

羌活

白朮

防己錢各一

甘草炙五分

右薑水煎服

附方

東垣羌活湯

治濕熱身重或眩暈麻木小便赤澀下焦痿軟

不能行履

羌活

防風

柴胡錢各一

藁本

獨活

茯苓

澤瀉

猪苓

黃芪炒

甘草炙

陳皮

黃柏酒炒

黃連

蒼朮

升麻

川芎各五分

右水煎服

甘草附子湯

治風濕相搏骨節煩疼不時抽痛不能伸屈

之則痛劇汗出短氣小便不利惡風不欲去衣或微腫痛

甘草

炙一兩

附子

一枚重一兩三四錢方是炮去皮尖不真不効

白朮

炒一兩

桂枝

二兩

右每服五錢水煎

八珍湯

治肝脾氣血俱虛不能養筋以致筋攣骨痛或不能

行履或發熱晡熱寒熱往來等症

加味逍遙散

治肝經風熱血燥筋攣肢體不遂內熱晡熱等症

歸脾湯

三方見二十四卷第四論

六味丸 方見二十四卷第十一論

四物湯 補中益氣湯

六君子湯 三方見二十四卷第六論

傷風自汗方論第六

右方續命排風越痺等湯皆用麻黃取其發汗而散風邪也然
而無汗者為宜若自汗者用之則津液轉脫反為大害故仲景
云中風自汗用桂枝湯發擗口眼動遍身出汗用獨活湯續
命黃散以復榮衛而却風邪

愚按前症若腠理不固而自汗者用桂枝湯或防風白朮牡
蠣湯若過服風藥而自汗者用白朮防風湯若陽氣虛弱而
自汗者用芪附湯若蕪盜汗用補中益氣湯然六味丸如不

應用當歸六黃湯

獨活湯

治風虛昏慣手足癱瘓發熱及中風自汗等症

獨活

羌活

人參

防風

當歸

細辛

茯神去木

半夏

桂心

白薇

遠志去心

菖蒲

川芎

各五分

右薑水煎服

續命煮散

治風氣昏慣四肢無力口眼攣動或時搐搦或津

液不足渴飲熱湯及產後中風自汗等症

防風

獨活

當歸

人參

細辛

葛根

芍藥炒

川芎

甘草炒

熟地黄自製

半夏

遠志去心

荊芥穗

各半

桂心七錢

右每服五七錢薑水煎汗不止加牡蠣粉五分

防風白朮牡蠣散

治中風氣虛腠理不密自汗不止等症

白朮炒

牡蠣煨

防風等分

右為末每服二三錢米飲下日三服如不止服黃芪建中湯

附方

柴胡桂枝湯

治傷風發熱自汗或鼻鳴乾嘔或痰氣上攻等症

桂枝

二錢

黃芩炒

人參

白芍藥

炒各錢半

甘草

炙

半夏製

生薑各錢

柴胡

四錢

大棗

二枚

右作一劑水煎服

白朮防風湯

治服表藥過多而自汗者

白朮炒

黃芪炒各二兩

防風一兩

右每服五七錢水煎溫服未應倍之

芪附湯

方見十九卷第六論

補中益氣湯

方見二十四卷第六論

六味丸

方見二十四卷第十一論

當歸六黃湯

方見十九卷第六論

婦人筋脉痠疼方論第七

新附

醫學綱目云痠者筋脉急也痠者筋脉緩也急則引而縮緩則縱而伸或縮或伸動而不止者名曰痠痠俗謂之發搐是也凡

癰癰風症破傷風三症皆能癱瘓但癰癰則仆地不省風症癱瘓則角弓反張破傷風癱瘓則有瘡口竊謂瘳者屬肝經風熱血燥或肝火妄動血傷瘳者屬肝經血氣不足或肝火汗多亡血以致手足伸縮不已抽搐不利若因風熱血燥用羚羊角散加釣藤鈎山梔若肝火妄動用加味四物湯加釣藤鈎山梔若肝經血氣不足用八珍湯加釣藤鈎山梔若肝火亡血用加味逍遙散加釣藤鈎山梔如不應須用六味丸以補腎水生肝木為主佐以前劑治之若其脉長弦者是肝之本脉也則易治其脉短澁者是肺金剋肝木也則難治其面色青中見黑者是水生木也當自愈青中見白者是金剋木也必難愈

附治驗方藥

一婦人素口苦月經不調或寒熱姙娠五月兩臂或拘急或緩縱此肝火傷血所致也用四物加柴胡山梔丹皮釣藤鈎治之而愈

一姙婦因怒寒熱頸項動掉四肢抽搐此肝火血虛風熱用加味逍遙加釣藤鈎數劑而痊

附方

羚羊角散

方見十四卷第二論

加味四物湯

方見二十四卷第六論

八珍湯

加味逍遙散

二方見二十四卷第四論

六味丸

方見二十四卷第十一論

婦人顛振方論示

新附

黃帝曰人之顫者何氣使然岐伯曰胃氣不實則諸脉虛諸脉虛則筋脉懈墮筋脉懈墮則行陰用力不復故爲顫因其所在補分肉間醫學綱目云顫振與瘰癧相類瘰癧則手足牽引而或伸或屈顫振則但顫動而不伸屈也胃虛有痰用參朮以補氣茯苓半夏以行痰如實熱積滯用張子和三法

愚謂顫振者掉眩也易曰鼓萬物者莫疾乎風鼓之爲言動也大抵掉眩乃風木之搖運也諸風掉眩皆屬于肝治法若肝木實熱用瀉青丸肝木虛熱用六味丸肺金尅肝木用瀉白散肝木虛弱用逍遙散加參朮釣藤鈎脾血虛弱用六君子加芎歸釣藤鈎胃氣虛弱用補中益氣湯加釣藤鈎若症後顫振乃氣血虧損虛火益盛而生風也切不可用風爲論

必當大補斯無誤矣

附治驗方藥

一婦人性善怒發熱經水非過期則不及肢體倦怠飲食少思而顫振余以為脾氣不足肝經血少而火盛也午前以調中益氣湯加茯苓貝母送六味丸午後以逍遙散送六味丸兩月餘而愈

一婦人身顫振口妄言諸藥不効余以為鬱怒所致詢其故蓋為素熯其夫而食怒久矣投以小柴胡湯稍可又用加味歸脾湯而愈

附方

海藏愈風湯

治產後一切失血過多及汗後中風搐搦方見

卷第十
二論

交加散

治癰癰或顫振或產後不省人事口吐痰涎

當歸

荆芥穗等分

右為細末每服三錢水一盞酒少許煎至七分灌下咽即有

生理

增損柴胡湯

治產後或經適斷致手足牽搐咬牙昏冒異症

柴胡錢八

黃芩炒四錢

半夏各三錢

石膏四錢

知母錢二

黃芪炒五錢

甘草炙二錢

右為粗末每服半兩薑五片棗四枚水煎溫服

本事青鹽丸

治肝腎虛損腰膝無力顫振暈曳

茴香末二兩

兔絲子末四兩

乾山藥末二兩

青鹽一兩

右先將兔絲子洗淨無灰酒浸晒七日冬天近火煨炙乾另
為細末和勻酒糊丸梧子大每服五七十九溫酒或鹽湯下
常服壯筋力進飲食一婦人素患足躄曳又服此藥履地如
本事星附散 治中風能言而手足躄曳脉虛浮而數

天南星

半夏

二味薄切片薑汁浸透

黑附子

白附子

炮

川烏

炮

白殭蠶

炒

沒藥

人參

白茯苓

各等分

右為粗末每服二錢酒水各一盞同煎至八分去滓熱進
二服汗出即瘥予在桐廬有患此症用前藥三服得汗手足
即能舉物

三因獨活散

治氣虛感風或驚恐相乘肝膽受邪使上氣不

守正位致頭搖手足顫掉漸成目昏

獨活

地骨皮

細辛

芎藭

菊花

甘味者

防風

祛風

甘草

炙等分

右為粗末每服三錢水盞半煎至一盞去滓煎取清汁六分入竹瀝少許再煎一二沸食後溫飲日二服

世傳茯苓丸 治手臂抽牽或戰掉不能舉物服此藥立愈又

治臂痛如神方見後并註兼治之法

附方

補中益氣湯 方見二十四卷第六論

六味丸 方見二十四卷第十一論

加味歸脾湯 逍遙散 二方見二十四卷第四論

小柴胡湯

方見二十四卷第二論

婦人風寒臂痛方論第九

婦人臂痛或筋脉攣急遇寒則劇者由肝氣虛弱風寒客於經絡故其脉緊細宜用栝子仁丸舒筋湯若臂痛而不能舉或痛無定處此脾虛邪氣相搏中脘伏痰故其脉沉細如此宜用茯苓丸控涎丹主之

愚按前症若肝血虛用加味道遙散中氣虛用補中益氣湯血氣俱虛用八珍湯風熱血燥用秦艽地黃湯脾腎虛寒用栝子仁丸脾胃實熱用茯苓丸水不能生不用六味九道遙散怒動肝火用小柴胡加川芎當歸眩暈瞀熱用四物柴梔丹皮補熱月經不調用加味道遙散食少體倦無寐盜汗用

本草綱目卷之二十一 三

加味歸脾湯

附治驗

先太宜人遍身作痛，筋骨尤甚，不能屈伸，口乾目赤，頭眩痰壅，胸膈不利，小便赤短，夜間殊甚，遍身作痒，如蟻行，此屬肝腎氣虛而熱也。用六味地黃丸料加山梔柴胡而愈。

杞子仁丸

杞子仁 二兩

熟地黃 二兩 自製

茯苓

枳殼 去穢 炒

覆盆子 炒

五味子 炒 拊

附子

石斛 酒蒸 炒

鹿茸 炙 耐

酸棗仁 炒

桂心

沉香

黃芪 各一兩 蜜水 炙 一方等分

右為末煉蜜丸桐子大每服三十丸空心溫酒下

舒筋湯

治風寒所傷肩臂作痛及腰下作痛又名五痺湯

片薑黃

錢

甘草炒

羌活

各三

白朮

海桐皮

當歸

赤芍藥

各五

右水煎服

茯苓丸

治脾氣虛弱痰邪相搏停伏中脘以致臂內筋脉

急而痛

上

茯苓

二兩

半夏

薑製二兩

枳殼

半兩製

風化朴硝

一兩

右為末薑汁糊丸桐子大每服二十九丸食後薑湯下

控涎丹

凡人忽胸背手足頭項腰膝牽痛不定或頭痛昏倦

痰唾稠粘喉中鋸聲手脚重痺此痰涎伏於胸膈也宜此治之

甘遂

心法

大戟

皮

真白芥子

各等分炒

右為末糊丸桐子大臨卧薑湯下五七丸痰盛服十丸

白芥子散

治臂痛牽引背脾或輟或作由榮衛循行失度痰

滯經絡或似癰瘰

真白芥子

木鱉子

各三兩
麩炒

沒藥

另研

桂心

木香

各半兩

右為末每服一錢溫酒下

愚按前三方脾氣虛弱者必佐以六君子湯中氣虛弱者必

佐以補中益氣湯氣血虛者必佐以八珍湯脾氣鬱滯者必佐

以歸脾湯肝經怒氣者必佐以逍遙散若專用前方治之胃

氣益虛病氣益甚不可不謹

流氣飲

治七情氣滯胸脇悶痞咽喉不利嘔喘面浮二便不

調或氣攻肩背脇肋作痛或脚氣喘急腹脹便閉元氣方至者宜用此藥慎之

紫蘇葉

黃芪炒

青皮去白

當歸

半夏薑製

烏藥

芍藥炒

茯苓

桔梗

防風各五錢

川芎

陳皮各七錢五分

枳實炒

木香二錢五分

甘草炙五分

大腹子薑製

右每服半兩薑棗水煎服

交加散方見前

四物湯 治血滯中風血虛手足不遂如臂痛加紅花煎方見前

交加散加木瓜牛膝治冷痺肩臂作痛即人參敗毒和五積散

烏藥順氣散加羌活木瓜治外邪氣滯筋骨作痛或痰氣不利

附方

秦艽地黃湯

治肝膽經風熱血燥肩臂疼痛或筋脉引急或

時牽痛其肉症發熱或寒熱晡熱月經不調或肢體酸痛

秦艽

熟地黃製自

當歸各一錢

川芎

芍藥

牡丹皮

白朮

茯苓各一錢五分

釣藤鈎一錢

柴胡

甘草炙各三分

右水煎服

逍遙散

加味逍遙散

加味歸脾湯

八珍湯

四方見二十四卷第四論

六味丸

方見二十四卷第十一論

小柴胡湯

方見二十四卷第二論

四物湯

補中益氣湯 二方見二十四卷第六論

婦人經風偏枯方論第十

論曰賊風偏枯其狀半身不遂肌肉枯瘦骨間作痛經云汗出偏枯如樹木一枝津液不到則枯槁被風所害古人有云風先醫血血行風自滅治法當用太八風湯增損茵芋酒續斷湯以養其血則風自祛矣

愚按醫風先醫血此論得之太抵此症多因胎前產後失於調養以致精血乾涸肝木枯槁治法當滋其化源考之生氣通天論曰風客淫氣精乃亡邪傷肝也陰陽志象大論曰風氣通於肝風搏則熱盛熱盛則水乾水乾則氣不榮故精乃亡此風病之所由作也

附治驗

一婦人性善怒常自汗月經先期余以為肝火血熱不信乃汎用降火之劑反致月經過期復因勞怒口噤呻吟肢體不遂六脉洪大面自赤色用八珍麥門五味山桅丹皮數劑漸止熱用逍遙散六味丸各二十餘劑全愈

大入風湯

治中風偏枯失音不語時復恍惚或昏憤發熱

當歸

杏仁

去皮尖
麩炒

甘草

桂心

乾薑

炮各二兩

五味子

炒

升麻

各二兩

川烏

炮去皮尖

黃芩

炒

芍藥

炒

獨活

防風

川芎

麻黃

去節

秦朮

石斛

去根酒浸

人參

茯神

去木

石膏

黃芪

炒

紫蛇各一兩 大豆三兩 去

右每服五錢水煎服

續斷湯

當歸三兩

陳皮

芍藥炒

細辛各一兩

生地黃二兩

續斷酒浸炒

右每服五錢水煎服寒下痢加熟附子一兩

金生虎骨散 治半身不遂肌肉乾瘦忌用麻黃發汗恐津液

枯竭性當潤筋養血消風

當歸二兩

赤芍藥

續斷酒浸炒

白朮

藁本

虎骨炙各五兩

烏蛇肉炙半兩

右為末每服三錢酒調骨痛加生地一兩白朮利加天雄半兩

虎脛骨酒

治半身風偏枯四肢不隨一切風痺筋脉攣拳

石斛

石楠葉

防風

虎脛骨炙

當歸

茵芋葉

杜仲炒

牛膝酒浸

續斷

酒浸炒

芎藭

巴戟去心

狗脊各一兩

右以絹囊盛藥用酒一斗漬十日每服一盞溫飲

附方

八珍湯

逍遙散

二方見二十四卷第四論

六味丸

方見二十四卷第十一論

婦人偏風口喎方論第十一

論曰偏風口喎者因體虛受風而入足陽明胃經蓋足陽明之經上夾於口風乘之其筋偏急故也

愚按前症當奈本卷首論治之

附治驗

方藥與前諸治驗參看

一婦人懷抱鬱結筋攣骨痛喉間似有一核服烏藥順氣等藥口眼歪斜臂難伸舉痰涎愈多內熱晡熱食少體倦余以爲鬱火傷脾血燥生風用加味歸脾湯二十劑形體漸健飲食漸進又用加味逍遙散十餘劑痰熱少退喉核少消更用升陽益胃湯數劑諸症漸愈但臂不能伸此肝經血少而筋攣耳用六味地黃丸以滋腎水生肝血而愈

附方

升陽益胃湯

治脾胃虛弱肢體怠惰或體重節痛口舌乾渴飲食無味大便不調小便頻數飲食不消兼見肺病瀝肺惡

寒悽慘不藥乃陽氣不和也

羌活

獨活

防風 錢各五

柴胡

白朮

茯苓

渴者不用澤瀉 錢各三 人參

黃連

炒 陳皮 錢各四

右每服三五錢薑棗水煎早溫服如小便愈而病益加是未

宜利小便也當少減茯苓澤瀉

加味歸脾湯

加味逍遙散

二方見二十四卷第四論

六味丸

方見二十四卷第十一論

婦人經帶方論第十二

夫心藏神為諸臟之主血氣調和則心神安靜若勞傷心血外邪乘襲則心神驚悸恍惚憂懼不安用排風湯治之
愚按丹溪先生云驚悸者血虛用誅砂安神丸痰迷心竅用

定志丸怔忡者屬火屬痰思慮便動者屬虛時作時止者火動也假如病因驚而致驚則神出其舍痰乘而入矣蓋人之所主者心心之所養者血心血一虛神氣不守此驚悸之所由作也治當調養心血和平心氣而已金氏婦暑月赴筵因坐次失序自愧成病言語失倫兩脉弦數余曰當補脾道痰清熱不信以數巫者噴水咒之而死或謂病既無邪以邪治之何至於死予曰暑月赴筵外受蒸熱辛辣適口內傷鬱熱而况舊有積痰加之愧悶其痰愈盛又驚以法定益其氣而氣血不寧噴以法水閉其肌膚而汗不得泄內燔則陰既消而陽不能獨立不死何待故滑伯仁先生云若膽氣虛寒用茯神湯膽氣實熱用酸棗仁丸心氣虛熱用定志膏茯苓

補心湯心氣實熱用硃砂安神丸茯神散

附治驗方藥

文學歸雲橋內月事不及期忽崩血昏憤發熱不寐或謂血熱妄行投以寒劑益甚或謂胎成受傷投以止血亦不效余曰此脾氣虛弱無以統攝故耳法當補脾而血自止用補中益氣加炮薑不數劑而驗惟終夜少寐驚悸別服八物湯不効余曰雜矣乃與歸脾湯加炮薑以補心脾遂如初

一婦人勞則心跳怔忡寒熱往來用歸脾湯為主佐以八珍湯諸症漸愈又用加味逍遙散寧志丸而安後復作服歸脾定志二藥即愈

一婦人患驚悸怔忡日晡發熱月經過期飲食少思用八珍湯

加遠志山藥酸棗仁三十餘劑漸愈佐以歸脾湯全愈後因
勞發熱食少體倦用補中益氣湯又因怒適月經去血不止
前症復作先以加味逍遙散熱退經止又用養心湯治之而
一婦人驚悸怔忡無寐自汗盜汗飲食不甘怠惰嗜卧用歸脾
湯而愈至年餘懷抱鬱結患前症兼衄血便血仍用前湯愈
茯神散治五臟氣血虛弱驚悸怔忡宜用此安神定志

茯神

去木

人參

龍齒

另研

獨活

酸棗仁

炒各三錢

防風

遠志

去心

桂心

細辛

白朮

炒各三錢

乾薑

炮各二兩

右為末每服四五錢水煎服或蜜為丸服

茯苓補心湯

治心氣不足善悲愁怒衄血面黃五心煩熱或

咽喉痛^三舌本作強

茯苓^四

^兩

桂心

甘草

^{炒各三兩}

紫石英^煨

人參

^{各一兩}

大棗

^{二十枚}

麥門冬

^{去心三兩}

^兩

赤小豆

^{二十粒}

右水七升煎二升半分三服

茯神湯

治膽氣虛冷頭痛自眩心神恐畏不能獨處胸中煩

^悶

茯神

^{去木}

酸棗仁

^炒

黃芪

^炒

栢子仁

^炒

白芍藥

^炒

五味子

^{杵炒各一兩}

桂心

熟地黃

^{自製}

人參

甘草

^{炒各半兩}

右每服五錢薑水煎

酸棗仁丸

治膽氣實熱不得睡卧神思不安驚悸怔忡^上

茯神

^{去木}

酸棗仁

^炒

遠志

^{去心}

栢子仁

^炒

防風

各一兩 枳殼 炒

生地黃

并膏 各半兩

青竹茹

二錢五分

右為末煉蜜丸桐子大每服七八十九滾湯下

定志丸

治心神虛怯所憑同前或語言鬼怪喜笑驚悸

人參

茯苓

各一兩 五錢

菖蒲

遠志

去心 各一兩

右為末蜜丸如前服

養心湯

治心血虛驚悸怔忡不寧或盜汗無寐發熱煩躁

黃芪

炒

白茯苓

茯神

木

半夏

麩

當歸

酒拌

當歸

酒拌

川芎

各半兩

辣桂

皮

栢子仁

炒

酸棗仁

炒

五味子

并炒

人參

各三錢

甘草

炙四錢

右每服三五錢薑棗水煎服

砂安神丸 治心經血虛頭暈心神驚悸等症

砂 飛過 五錢

黃連 酒洗 六錢

甘草 炙 五分

生地黄

當歸 各一錢 五分

右為末飯糊為丸每服十五丸如一服不應當服歸脾湯

補之

治要茯苓散

治心經實熱口乾煩渴眠卧不安或心神恍惚

茯神

麥門冬 各一兩 五錢

通草

升麻 各一兩 二錢半

紫苑

桂心 各七錢 五分

知母 一兩

赤石脂 一兩七錢 五分

大棗

十二枚 淡竹茹 五錢

右每服一兩水煎

補中益氣湯 方見二十四卷第六論

歸脾湯

八珍湯

加味逍遙散

三方見二十四卷第四論

寧志丸

方見後

婦人失血心忪不安方第十三

原無論

竊謂前症若脾肝鬱熱用加味逍遙散脾肝鬱結用加味歸脾湯脾胃虛弱氣血不足用八珍湯十全大補湯脾肺虛弱氣血不足用補中益氣湯六君湯痰氣鬱滯用六君桔梗貝母如不應審係氣虛但補脾胃如不應用獨參湯如惡寒發熱屬氣血俱虛內熱晡熱屬血虛作渴面赤是血脫煩躁皆宜甘苦之劑以補陽氣而生陰血經云血脫補氣若用寒涼之劑以降火則誤矣仍審所屬之因而治之

寧志膏 治失血心神不安言語失常不得安睡等症

辰砂研

酸棗仁炒

人參

白茯苓

琥珀

另研各五分

滴乳香

研一錢

右為末每服一錢煎棗湯空心調下

附方

妙香散 治心氣不足精神恍惚虛煩少睡盜汗等症

甘草

炒五錢

遠志

去心炒一兩

辰砂

別研三錢

麝香

二錢另研

山藥

薑汁炙一兩

人參

五錢

木香

煨二錢五分

茯苓

茯神去木

黃芪

各兩

桔梗

五錢

右為末每服二錢溫酒調

扶神湯 方見前

溫膽湯

治膽虛痰熱驚悸不眠

半夏

竹茹

枳實

二兩 炒

陳皮

生薑

四兩

甘草

二兩 炒

右每服一兩水煎

半夏湯

治膽腑實熱精神恍惚寒熱泄瀉或寢汗增風善太

半夏

一錢五分

黃芩

一錢

遠志

一錢

生地黄

二錢

秫米

合

酸棗仁

炒

宿砂

一錢五分

右長流水煎服

獨參湯

治元氣虛弱惡寒發熱或作渴煩躁痰喘氣促或氣

虛卒中不語口噤或痰涎上湧手足逆冷或難產產後不省

喘急用好人參二兩或三四兩炮薑五錢一劑水煎徐徐服

蓋人參性寒故薑佐之如不應急加炮附子

加味逍遙散

加味歸脾湯

八珍湯

十全大補湯

四方見二十四卷第四論

補中益氣湯

六君子湯

二方見二十四卷第六論

婦人風邪顛狂論第十四

婦人顛狂由血氣虛而風邪所乘若邪并於陰則發狂邪并於陽則發顛夫顛者卒發而意不樂直視仆地吐涎沫口喎目急手足撩戾無所知覺良久而甦狂者少卧不飢自高賢自辨智自貴倨妄笑歌樂妄行不休素問云陽厥狂怒飲以鉄落出於肝肝屬木鉄落金也以金制木之意一婦人眼見鬼物言語失常循衣直視或作心病治之無効投養正丹二服煎乳香送三生飲立愈養正丹三

生飲方見本
卷第一論

愚按前症劉宗厚先生云有在母腹中受驚者或有聞大驚而得者蓋驚則神不守舍舍空則痰涎歸之或飲食失節胃氣有傷痰停胸膈而作當尋火尋痰固元氣若頑痰膠固上膈必先用吐法若在腸胃亦須下之

竊謂此症若因元氣虛弱或痰盛發熱等皆是虛象如慢驚症無風可祛無痰可逐但補脾胃生氣健旺神智自清痰涎自化若誤用辛散祛逐腦麝之劑必為敗症

附治驗

一婦人素清苦因驚而顛或用風痰等藥愈甚余用參芪歸朮濃煎佐以薑汁竹瀝三劑餘方愈

仍參十八十九卷年
言諸語乍見鬼神方

防風祛神散 治風顛啼泣歌笑或心神恐懼或語言失常

防風 祛神木 獨活 人參

遠志 心去 龍齒 葛蒲 毛去 石膏

牡蠣 服各 秦朮 禹餘糧 煨 桂心 各五錢

甘草 炒三 蛇蛻 一條

右每服五錢水煎服

排風湯

牛黃清心丸 治諸風緩縱不隨言語蹇澁痰涎壅盛怔忡健

忘或發癲狂 二方見本 卷首論

婦人飛尸 血厥方論第十五

夫飛尸者遊走皮膚穿行臟腑每發刺痛變作無常遁力者附

骨入肉攻通血脈見尸喪聞哀哭便發風尸者濡濯四肢痛而
昏沈得風雪便作沉尸者纏骨結臍內腫心脇發而絞痛遇寒
冷便作注尸者舉身沉重精神錯雜時覺昏憤每至節氣便作
並宜蘇合香丸治之

愚按丹溪云凡人忽手足逆冷肌膚起如米粒頭面青黑精
神恍惚或錯言妄語或牙關緊急或昏寐仆倒吊死問喪入
廟登臺多有此病先以蘇合香丸灌之次服調氣散平胃散
玉機微義云卒厥飛尸客忤鬼擊口噤用麻黃湯寒厥表熱
裏寒則下利清穀食入則吐脉沉手足冷用四逆湯熱厥腹
滿身重難轉面垢譫語遺溺手足厥冷自汗脉沉滑用白虎
湯若人身忽然不動目閉口噤惡聞聲音眩冒頃時方寤此

由出汗過多氣併於血陽獨上而不下氣壅塞而不行耳氣過血還陰陽復通移時方寤名曰鬱冒亦名血厥宜服白薇湯倉公散

附治驗

錦衣楊永興舉家避毒有僕沉醉失避者既而神思昏昧遍身青傷各煎金銀藤湯灌之即愈

一婦人忽昏憤發謔語自云爲前謀賴某人銀兩某神責我將你起解往城隍理問兩脚踝膝處皆青腫痛不可忍口稱苦楚次日方甦痛尚不止用金銀藤兩許水煎服即愈

一婦人入古墓患前症以紫金錠灌之即甦通政余子華太常汪用之皆因往弔而卒死喪家想即是症

蘇合香丸 方見本卷第四論

白薇湯

白薇

當歸 各一兩

人參

甘草 一錢

右每服五錢水煎

倉公散

治卒中鬼擊心腹如刺下血不省及口噤齒齧脚指不

覺并諸毒等症

皂莢

藜蘆

雄黃 研

礬石 肢研各等分

右每用少許吹入鼻中未嚏再吹以得嚏為度

內鼻散

治尸厥脉動靜而若死用石菖蒲末吹鼻中仍以桂

末安於舌上 蘇合香丸亦可

疏黃散

治尸厥不省四肢逆冷腹中如雷鳴或痰氣不降

燂硝_兩

硫黃_{一兩各另}
為細末

右每服三分酒調灌之良久再服即甦

附方

麝黃湯 治寒厥或傷寒惡風發熱身疼無汗者

麻黃_{六錢}

桂枝_{四錢}

甘草_{二錢}

杏仁_{二十枚炒}

右作二劑水煎服

調氣散 治氣厥不省或痰氣上壅及治氣滯胸膈不利

白豆蔻

丁香

檀香

木香_{各二錢}

藿香

甘草_{各六錢}

砂仁_{四錢}

右為末每服二錢入鹽少許沸湯調下

四逆湯

白虎湯

二方見七卷第二論

神仙追毒丸

又名紫金餅又各本乙丹

能解一切毒或疥癩疥

革毒菌河鮑疫死牛馬肉毒或蛇犬惡蟲所傷及鬼怪惡瘡

等毒或二廣斷腸草蛇毒化菌等毒

文蛤

即五倍子槌破洗焙為末三兩

山茨菰

去皮淨末二兩

千金子

一名續隨子去殼研去油一兩

麝香

二錢另研

紅牙大戟

去蘆焙為末一兩半

右用糯米濃飲和作四十粒用井華水或薄荷湯磨服利下
兩次用粥止之脩合須端午七夕重陽或天德月德日於淨
室焚香修製効驗不能具述宜珍藏之凡人居家出入不可
無此藥嶺外有婦與旅合陰以定年藥置食中且戒之曰子
幾時來果從其言彼復以藥餅之可無恙若過期不往必死

若遇此毒及前一應諸毒服前藥一粒或吐或下即愈昔有
女子勞瘵爲尸蟲所噬磨服一粒吐下小蟲更服蘇合香丸
遂愈若茵蘘菰子砒石時行瘟疫山嵐瘴氣自縊溺水打折
傷死瘀血內滯心頭微溫用薑湯磨灌一粒可甦其急喉閉
纏繞臍脾腫赤眼癰疽發背諸瘡湯火所傷用東流水磨塗
并服顛邪鬼氣鬼胎煖酒磨服余謂喉閉以下諸症果能灼
見形病俱實乃可用之

太醫院校註婦人良方大全卷之四

江右臨川陳自明良甫編

太醫院使立齋薛已校註

建邑書林泗泉余彰德梓

婦人血風肢體骨節疼痛方論第一

婦人血風由氣血不足腠理不密風冷乘之以致邪正相搏故
骨節疼痛肢體發熱口舌咽乾

愚按東垣先生云飲食失節脾胃虛弱乃血所生病故口中
津液不行若火熱來乘土位故肢體發熱作渴若肝經血熱
用四物羌活黃芩黃柏肝經血虛用逍遙散山梔川芎風濕
兼痰用四物南星半夏羌活蒼朮風濕傷脾用羌活勝濕湯

暑濕傷氣用清燥湯氣鬱肝脾用四君木香枳殼檳榔胃氣受陽用補中益氣湯瘀血流注用四物桃仁紅花骨痛筋攣用當歸沒藥丸倦怠無力用補中益氣羌活川芎

附治驗

一婦人自汗盜汗發熱晡熱體倦少食月經不調吐痰甚多二年後遍身作痛陰雨益甚此氣虛而風寒所乘用小續命湯疼痛頓止用補中益氣加味歸脾三十餘劑諸症悉愈

一婦人月經不調且素有痛風過勞必作用衆手重按痛稍止此氣血俱虛用十全大補加獨活而痛痊用六味九逍遙散而經調

一婦人肢體作痛面色痿黃時或赤白發熱惡寒吐瀉食少腹

痛脇脹月經不時或如崩漏或痰盛喘嗽頭目眩痛或五心煩熱口渴飲湯或健忘驚悸盜汗無寐等症卧床年許悉屬肝脾虧損氣血不足所致用十全大補加味歸脾兼服月餘諸症悉痊

芩藁散

川芎錢一 赤茯苓 酸棗仁炒 桂心 當歸酒洗

木香 牛膝酒洗 羌活 枳殼炒 甘草各三分

右水煎服

羚羊角散 治血氣身軀疼痛手足無力

羚羊角鎊 酸棗仁炒 生地黃 檳榔各一兩 五加皮

防風 赤芍藥 當歸酒洗 骨碎補炒 海桐皮

川芎

錢各五

甘草

錢三

右為末每服二錢溫酒調下

通靈丸 治血風手足疼痛不可忍

白附子

殭蠶各一兩
炒去絲

全蝎

半兩
麝香一

右為末煉蜜九桐子大每服十丸溫酒下日三服

當歸沒藥丸 治血風肢體刺痛筋攣骨痺或手足麻木

當歸

五靈脂各一兩
炒

沒藥

牛

右為末醋糊九桐子大每服三十丸薑湯下

虎骨散 治血風走痛或打撲作痛

虎骨

酥炙

敗龜板

酥炙

當歸

酒洗

桂心

牛膝酒洗

泥蘆

地龍

去土

葳靈仙

玄胡索

炒

自然銅

煅

右為末每服二錢熱酒調下

附方

羌活勝濕湯

治頭痛脊痛腰似拆項似拔

羌活

獨活各一錢

藁本

防風

甘草

炙各半錢

蔓荊子

川芎

各二分

右水煎服如身重腰沉沉然是濕熱也加黃柏一錢附子半錢蒼朮二錢

東垣清燥湯方見後

四物湯

補中益氣湯

四君子湯三方見二十四卷第六論

小續命湯方見十九卷第八論

逍遙散

加味歸脾湯

十全大補湯三方見二十四卷第四論

六味丸方見二十四卷第十一論

婦人血風白虎歷節走疰方論第二

婦人血風白虎歷節由體虛風邪乘之隨血而行或滯溢皮膚或卒然掣痛走疰如虎咬者加減小續命湯主之

愚按東垣云若人身體沉重走疰疼痛此濕熱相搏或風熱鬱而不得伸附著於有形也是症多因飲食起居失節或因七情勞役失宜脾胃虧損腠理不密外邪所侵以致內熱晡熱自汗盜汗或經候不調飲食不甘治法濕熱腫痛者清燥湯兼痰佐以二陳湯肝火作痛者加味逍遙散脾熱作痛者

加味歸脾湯血虛作痛者四物湯氣虛作痛者四君子湯氣血俱虛者八珍湯俱加羌活川芎月經先期而痛者加味道遙散頭眩倦怠而痛者補中益氣湯大抵按之痛甚者病氣實按之痛緩者元氣虛勞役而痛者亦元氣虛也飲食失宜而痛者脾氣虛也惱怒而痛者肝火盛也若晝輕而夜重者血分病也與前兼用

附治驗

一婦人歷節發熱作渴飲食少思月經過期其脉舉之洪大按之微細用附子八物四劑而痛止用加味道遙而元氣復用六味丸而月經調

一婦人體肥胖素有熱月經先期患痛風下體微腫痛甚則小

便頻數身重脉緩此風濕血虛而有熱用羌活勝濕湯二劑
腫痛漸愈用清燥湯數劑小便漸清用加味道遙散內熱漸
愈又為飲食停滯發熱仍痛而自浮腫用六君加柴胡升麻
而愈又因怒氣小腹痞悶寒熱嘔吐用前藥加山梔木香而
安惟小腹下墜以致去後此脾氣下陷用補中益氣而愈後
因勞役怒氣作嘔吐痰涎通身腫痛經行寒熱此肝木侮脾土
用六君加柴胡山梔腫痛嘔吐悉退後用補中益氣而安
一婦人飲食少思畏風寒患痛風嘔吐寒熱脉弦緊用附子八
物而四肢痛愈用獨活寄生而腰痛漸痊惟兩膝腫痛用木
防風湯而痛漸愈用歸脾逍遙而元氣復

漏蘆散

治走注疼痛

漏蘆

當歸酒洗

牛膝各三錢

桂心

地龍去土

防風

羌活

白芷

沒藥

甜瓜子各半兩

虎脛骨

敗龜板

各酥炙一兩

右為末每服二錢熱酒調下

四生丸

治骨節作痛或渾身麻痺

白僵蠶

炒去絲

地龍去土

白附子

五靈脂

草烏

去皮尖各等分

右為末米糊丸桐子大每服二十丸茶清送下酒調服亦可

射香丸

治歷節諸風走痛或如蟲行

大川烏

三箇去皮尖生用

全蝎二十箇

黑豆二十粒

地龍

去土五錢

麝香一字

右為末米糊丸菴豆大每服十九溫酒下○許學士云予得

此方凡歷節及不測疼痛一二服便瘳治一貴婦遍身走痛
夜如蟲啣三服而愈

附子八物湯

治歷節痛如鎚鍛

附子炮

乾薑炮

芍藥炒

茯苓

人參

甘草

桂心各五分

白朮一錢五分

右水煎服一方去桂用熟地黃二錢

獨活寄生湯方見後

小續命湯方見後

一婦人兩踝作痛上行膝髀肩肘痛如鎚鍛至夜尤劇六脉皆
緊一劑而愈又鄧安人夏月患此人迎脉虛此因暑而得用
酒蒸黃連九一服亦安

附方

東垣清燥湯 治元氣虛濕熱乘之通身痠軟或肺金受邪絕
寒水生化之源腎無所養小便赤少太便不調腰膝痠軟或
口乾作渴體重麻木頭目眩暈飲食少思或自汗盜汗肢體
倦怠胸滿氣促_上

黃芪_{五分錢}

五味子_{九粒}

黃連_炒

神麴_炒

猪苓

柴胡

甘草_{炙各二分}

蒼朮

白朮_炒

麥門冬_{去心}

陳皮_炒

生地黃

澤瀉_{各五分}

白茯苓

人參

當歸_{洗酒}

升麻_{各三分}

黃柏_{酒拌一分}

右水煎服

二陳湯

方見二十四卷第五論

八珍湯

加味逍遙散

加味歸脾湯 三方見二十四卷第四論

四物湯 四君子湯 六君子湯

補中益氣湯 四方見二十四卷第六論

六味丸 方見二十四卷第十一論

羌活勝濕湯 方見前 大防風湯 方見二十四卷第九論

婦人血風癰癧瘰癧方論第三

婦人癰癧瘰癧五心煩熱乃血風攻注用人參荊芥散消風散
逍遙散太抵因體虛風寒相搏赤屬血分而白屬氣分也經云
汗出見濕乃生瘰癧凡人汗出不可露卧沐浴使人身板寒熱
致生風癰也

愚按前症有身發疙瘡或如丹毒痒痛不常或膿水淋漓發

熱煩渴或頭目昏眩日晡益甚或寒熱發熱月經不調皆肝
經風熱血燥用加味逍遙散爲主佐以四君芎歸若忿怒身
發疣瘡痛痒寒熱乃肝火血燥用加味小柴胡湯氣血俱虛
八珍加柴胡丹皮若夜間發熱作渴譫語乃熱入血室用小
柴胡加生地血虛四物合小柴胡後用加味逍遙散調理若
鬱結食少體倦內熱晡熱乃脾經血燥用加味歸脾湯寒熱
加山梔熟地若遊走瘰癧乃血風走注用何首烏散血虛逍
遙散風熱消風散若專用風藥復傷陰血必致筋攣等症

附治驗

婦人身發疣瘡或生丹毒痒痛不常搔碎成瘡膿水淋漓發
熱煩渴頭目眩暈日晡益甚此血虛內熱之症以當歸飲加

柴胡山梔治之而愈

一婦人患前症肢體疼痛頭目不清自汗盜汗月水不調肚腹作痛食少倦怠先用參荊芥散後用逍遙散治之而痊

一婦人因忿怒身發疙瘩憎寒發熱余謂肝火用小柴胡湯加山梔黃連治之而愈後口苦脇痛小便淋瀝復用前藥全愈

一婦人患前症發熱夜間譫語此血分有熱以小柴胡湯加生地治之而安後用四物湯加柴胡山梔丹皮而熱退又用逍遙散全愈

一室女十四歲天癸未至身發赤斑痒痛左關脉弦數此因肝火血熱以小柴胡湯加山梔生地丹皮治之而愈若因怒而致者亦宜治以前藥

治驗餘見二十四卷血風門

何首烏根

治皮膚癢痒遊走無定

何首烏

防風

白茯苓炒

枳殼炒

天麻

僵蠶

胡麻炒

芫薺子

蔓荊子

各一錢

茵陳五分

右水煎服

附方

四物湯

四君子湯

二方見二十四卷第六論

加味小柴胡湯

小柴胡湯

二方見二十四卷第二論

八珍湯

加味歸脾湯

加味逍遙散

逍遙散

四方見一十四卷第四論

消風散

方見二十四卷第七論

當歸飲

方見一十四卷第六論

人參荊芥散

方見五卷第三論

婦人虛風頭目眩暈

婦人頭眩由氣虛風入於腦循脉引於目系目系急而然也邪甚則必癰素問云頭痛癰疾下虛上實過在足少陰巨陽甚則入腎徇蒙招搖目瞑耳聾下實上虛過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則暈徇蒙者如以物蒙其首招搖不定目眩耳聾皆暈之狀故肝厥頭痛不同也

愚按丹溪先生云眩者言其黑運旋轉其狀目閉眼昏身轉耳聾如立舟船之上起則欲倒蓋虛極乘寒得之亦不可下途而取軌也若風則有汗寒則掣痛暑則熱悶濕則重滯此四氣乘虛而眩運也若鬱結生痰而眩暈者此七情虛火上

逆也若淫慾過度而眩暈者此腎虛氣不歸源也若吐衄漏
崩而眩暈此肝虛不能攝血也有早起眩暈須臾自定者元
氣虛也正元飲下黑錫丹傷濕頭暈用腎着湯加川芎有痰
用青州白丸子頭風風熱也久則目昏偏頭風相火也久則
目緊便澀皆宜出血以開表之竊謂前症肝虛頭暈用釣藤
散腎虛頭暈六味丸頭暈吐痰養正丹不應六味丸血虛四
物參苓白朮不應當歸補血湯氣虛四君歸芪不應益氣湯
肝木實瀉青丸虛用地黃丸不應川芎散脾氣虛二陳參朮
柴胡升麻不應益氣湯加茯苓半夏脾胃有痰半夏白朮天
麻湯風痰上壅四神散發熱惡寒八物湯七情氣逆四七湯
傷濕而暈除濕湯

附治驗

一婦人素頭暈木時而作月經遲而少此中氣虛弱不能上升而頭暈不能下化而經少用補中益氣湯而愈後因勞心地月經如湧此勞傷火動用前湯加五味子一劑而愈前症雖云氣無所附實因脾氣虧損耳

一婦人內熱口乾勞則頭暈吐痰帶下詳見六卷第十六論養正丹治虛風頭眩吐涎不已蓋此藥升降陰陽補接真氣非止頭眩而已

黑鉛

水銀

硫黃

硃砂

各一兩研

右用砂器鎔鉛下水銀攪勻離火少時入硫砂再攪候冷為末飯丸菽豆大每服二十九丸空心食前黃湯下

釣藤散 治肝厥頭暈

釣藤鈎

陳皮 炒

半夏 製

麥門冬 心

茯苓

茯神 去木

人參 去蘆

甘菊花

防風 錢各一

甘草 分三

石膏 煨二錢

右薑水煎

川芎散 治肝腎虛風頭自眩暈或頭痛耳鳴目系緊急

小川芎

山藥

白茯神

甘菊花 野菊不用

人參 各半兩

山茱萸肉 兩一

右為末每服二錢酒調日三服

三五七散 治八風五痺肢體不仁或風寒入腦頭痛目眩耳

內蟬鳴

附子炮細辛各三兩乾薑炮山茱萸各五兩防風山藥炒各

右為末每服二錢溫酒調

四神散 治血風眩暈頭痛寒熱唾痰

菊花 當歸酒洗 旋復花去梗

荆芥穗各一錢

右葱白三寸茶末一錢水煎

附方 治血風頭旋或不知人事用喝起草嫩心陰乾為末

酒服二錢其功甚効即前蒼耳散

治頭旋如天動地轉名曰心眩膽礬一兩細研用麵餅劑一箇

拌勻勒如骰子大瓦上焙乾每服一散為末灯心竹茹煎湯

調下此去痰之法當審而用之

附方

正元飲 治下元虛敗瘵氣上湧頭目眩暈臍膈滑泄時或自

汗手足逆冷霍亂轉筋等症

紅豆炒二錢 人參去蘆二兩 附子炮去皮一兩 茯苓 甘草炙各二兩

肉桂五錢 川芎 山藥炒姜汁 烏藥 乾葛各一兩

白朮二兩 乾薑炮三錢 黃芪炙一兩半

右每服三錢薑棗水入鹽少許煎送黑錫丹

黑錫丹 治真陽虛敗瘵氣壅塞心火炎熾或赤白帶下等症

肉桂 沉香 附子炮去皮去 葫蘆巴酒浸炒

破故紙炒 茴香炒 肉苁蓉煨 陽起石研水飛

金鈴子蒸去核 木香各一兩 硫黃 黑錫去灰各二兩

右將黑錫硫黃入銚內煉結砂子傾出地上去火毒研細餘

藥為末和勻再研至黑光色酒糊丸桐子大陰乾入布袋擦

令光潤每服四升丸

腎着湯

方見十五卷第八論

責州白丸子方見三卷第四論

六味丸

八味丸二方見二十四卷第十一論

當歸補血湯

方見十九卷第六論

四物湯

四君子湯

補中益氣湯

三方見二十四卷第六論

二陳湯

方見二十四卷第五論

瀉青丸方見二十四卷第三論

八物湯

方見一十四卷第四論

四七湯方見十二卷第七論

除濕湯

即腎着湯加川芎

半夏白朮天麻湯

方見四卷第五論

許學士云婦人患頭風者十居其半每發必掉眩如在車船之上蓋因肝經血虛而風邪襲之爾用川芎當歸散若頭痛連齒時發時止連年不已此風中腦謂之厥逆頭痛宜白附子散及灸曲鬢穴在耳掩前正尖上灸七壯左痛灸左右痛灸右

愚按東垣云足太陽頭痛脉浮緊惡風寒川芎羌活獨活麻黃為主手少陽經頭痛脉弦細往來寒熱柴胡為主足陽明頭痛身熱自疼鼻乾惡寒發熱脉浮緩而長升麻湯或石膏白芷為主手太陽頭痛有痰體重或腰痛為痰癖脉沉緩蒼朮半夏南星為主足少陰經頭痛足寒氣逆為寒厥脉沉細麻黃附子細辛湯為主足厥陰頭項痛或吐涎沫厥冷脉浮緩吳茱萸湯主之諸血虛頭痛當歸川芎為主諸氣虛頭痛

人參黃芪為主氣血俱虛頭痛調中益氣少加川芎蔓荊細辛
痰厥頭痛半復白朮天麻湯厥逆頭痛羌活附子湯如濕
氣在頭者以苦吐之不可執方而治若脈雜亂而病見不二
且補胃為主

附治驗

一婦人因勞耳鳴頭痛體倦用補中益氣加麥門五味而痊三
年後得子因飲食勞倦前症益甚月經不調晡熱內熱自汗
盜汗用六味地黃丸補中益氣湯頓愈經云頭痛耳鳴九竅
不利腸胃之所生也故脾胃一虛耳目九竅皆為之病
一婦人兩眉稜痛後及太陽面青善怒此肝經風熱之症用選
奇湯合逍遙散加山梔天麻黃芪半夏黃芩而愈此症失治

多致傷目或兩耳出膿則危矣頭痛手掉身麻見一卷第五論

川芎當歸散

川芎錢一

當歸酒拌

羌活

旋覆花

細辛

蔓荊子

防風

石膏煨

藁本

荊芥穗

半夏麩

生地黃

甘草

炙各五分

右薑水煎

白附子散

治風邪風痰頭痛連齒不時舉發或連年不愈

麻黃

根不去

烏頭

炮去皮

南星

炮各兩

白附子

炮一兩

全蝎

炒五枚

辰砂

麝香

白薑

炮各錢一

右為末酒調服三分卧少時

川芎茶調散

治諸風上攻頭目昏重偏正頭痛

薄荷八兩

川芎

荊芥各四兩

羌活

白芷

防風

甘草炙各二兩

細辛一兩

右為末每服二錢食後茶清調

如聖餅子加細辛其効甚速若頭痛筋攣骨重少氣噦噫腹滿咳嗽煩冤其脉舉之則弦按之石堅由腎氣不足而逆上謂

之腎厥頭痛宜玉真丸硫黃丸

硫黃丸 治頭風不問新久服此除根屢用屢効

硫黃二兩

硝石一兩

右為末滴水丸指頂大每服一九空心細嚼茶清下

一方用生菜服汁仰臥注兩鼻數年之患一注即愈

一方 治風邪入腦患頭痛不可忍不問年歲

硝石

人中白

腦子等分

右為末用一字吹入鼻中

都梁丸 治產前產後風邪所傷頭痛頭暈方見後

附方

調中益氣湯

治氣血俱虛而頭痛

芍藥三分

升麻二分

黃芪錢一

甘草五分

五味子七粒

當歸

白朮

人參各三分

柴胡

橘皮各二分

右水煎

半夏白朮天麻湯

半夏一錢 白朮

神麴炒各一錢 天麻

黃芪

人參 蒼朮

陳皮 澤瀉

茯苓各五分

大麥蘖半一錢

乾薑三錢

黃柏酒製二分

右每服半兩水煎

菴活附子湯

麻黃

黑附子炮

白芷

白殭蚕

黃柏各三分

菴活

蒼木各五分

防風

甘草

升麻各五分

黃芪五分

右水煎服

選奇湯

治風熱上壅、瞖、骨痛、或頭目眩暈

菴活

防風各三錢

甘草二錢夏生冬炒

黃芩酒製各去之

右每服三錢水煎時時服

吳茱萸湯

升麻湯

麻黃附子細辛湯三方見六卷第十二論

補中益氣湯 方見二十四卷第六論

六味九 方見二十四卷第十一論

逍遙散 方見二十四卷第四論

頸項強痛方論第六

夫頸項屬足太陽膀胱足少陰腎二經相為表裏若感風寒濕氣則發熱惡寒頸項強急腰背反張瘳瘳口噤脉沉遲弦細新產血虛出汗多患此症若因斂睡失枕而致用三五七散追風散若風邪所傷用都梁丸木瓜煎

愚按東垣云肩背痛不可回顧此手太陽氣鬱而不行以風藥散之竊謂前症若因肝木自旺用瀉青丸精血不足六味丸風熱灌肝加味逍遙散怒動肝火加味小柴胡湯肝經血

加味四物湯腎不能生肝六味丸膀胱氣滯羌活勝濕湯
太抵肝火旺則肝血虛而筋燥頸項強急或腰背反張或四
肢拳攣或頸項等處結核

附治驗

一婦人耳內或耳後項側作痛寒熱口苦月經不調此肝膽經
火薰傷脾胃用四君加柴胡升麻黃芪芍藥而愈後因勞役
怒氣嘔吐脇脹用六君子湯加山梔柴胡而安

一婦人因怒寒熱作渴左目瞤小頭頸動掉四肢抽搐遍身疼
痛此血虛肝熱則生風也用加味逍遙加釣藤釣數劑諸症
漸愈又用小珍湯而痊

追風散

治風邪所乘頭目眩痛口眼歪斜牙關緊急或百節

疼痛鼻寒聲重項背拘急皮膚癢痒面若蠟行

川烏炮去皮

防風

石膏煨

川芎

甘草炙

荊芥穗

白僵蠶炒去絲

天南星

羌活

地龍土去

白附子炮

全蝎去尾

白芷各半

草烏炮去皮

沒藥研

乳香研

雄黃研各一錢

右為末每服半錢用茶清少許食後臨卧調下

都梁丸

治諸風項背不利頭目眩暈腦門作痛或產前產後

傷風頭目昏重血風頭痛用白芷末蜜丸彈子大每服一丸

細嚼荊芥煎湯下

木瓜煎

木瓜

不犯鐵器二箇取蓋去穢

沒藥研二兩

乳香研一兩

右以木瓜去核入二藥仍蓋合之飯上蒸爛研成膏每服三匙生地黃汁半盞無灰酒和服有人患此自午發至夜方止余曰此足少陰經症發必先從足起蓋足少陰之筋自足大指起至頭筋者肝之合也日中至夜天之陽陽中之陰又曰陽中之陰肺也自離至交陰旺陽弱之時故靈寶畢法云離至乾腎氣絕而肝氣弱肝腎二臟受陰氣故發於是時予受此方三服而愈

附方

瀉青丸

方見二十四卷第三論

六味丸

方見二十四卷第十一論

八珍湯

加味逍遙散

方見二十四卷第四論

加味小柴胡湯

方見二十四卷第二論

加味四物湯

四君子湯

二方見二十四卷第六論

菴活勝濕湯

方見前

婦人腰痛

夫腎主於腰若婦人腰痛由腎氣虛弱外感六氣內傷七情皆能致之如因風邪所乘用小續命湯加桃仁杜仲如因寒濕所傷五積散腎經虛弱青娥丸如因氣血凝滯用寧牛黃香之類愚按陳無擇先生云若形體虛羸面色黧黑腿足痿軟不能行立此宋志所為也腹急脇脹目視眊眊宗筋弛縱白淫下注此鬱結所為也肌肉不仁飲食不化腸胃脹滿閉墜腰脇此憂思所為也皆屬內因若腰冷作痛身重不渴小便自利飲食如故因勞汗出腰痠脇痛或尿澀血滯或房勞精竭皆

屬內外因也竊謂前症失志腎虛熱者六味丸腎虛寒者八
味丸鬱怒傷肝實_共用龍膽瀉肝湯虛用六味丸補肝散憂慮
傷脾者歸脾湯_共逆散腎著者寒則木附湯虛則腎著湯腰
膝痛者寄生湯養腎散瘀血滯者如神湯舒筋湯疲勞腰痛
者青娥丸十補丸

附治驗

一婦人腰痛三年矣每痛必面青頭暈目緊余以為肝脾氣虛
用補肝散而愈三年後因勞役患頭痛蒸熱心用補中益氣
湯加茯苓半夏蔓荊子而愈

一婦人苦腰痛數年不愈余用白朮一味太劑服不三月而痊
乃胃氣虛閉之症故用白朮也

如神湯 治男婦腰痛ヲ

延胡索

當歸

桂心等分

右為末每服二錢溫酒調フキハ甚者不過數服

獨活寄生湯 治足三陰虛風濕所侵脚膝歷節作痛

獨活

桑寄生

續斷酒炒

杜仲姜汁炒細辛

牛膝酒拌炒

秦朮

茯苓

白芍藥炒桂心

川芎

防風

人參

熟地黃自製當歸酒拌

粉草

炙各五分

右水煎

舒筋散 治風寒傷骨臂作痛或閃挫氣滯血瘀亦良

玄胡索炒

杜仲燼汁

官桂去蕊活

芍藥等分

右為末每服二錢酒調

又方橘核炒木香研酒下

附方

濟生承附湯

治寒濕傷腎腰重冷痛小便自利或手足逆冷

附子炮

白朮各一兩

杜仲薑炒半兩

右每服四錢薑水煎

三因腎着湯

治腎虛為病身重腰冷如水洗狀不渴而小便

自利飲食如故腰以下冷痛如帶數千錢

茯苓

白朮各四兩

乾薑炮

甘草各二兩

右每服四錢水煎空心服

青蛾丸

治腎虛腰痛或外邪所侵腰腿或筋骨作痛

胡椒一枚 蒜四兩 破故布酒浸炒 杜仲去皮

右為末蒜膏九桐子大每服五十丸空心醋湯下蒜不用

六味丸 十補丸

八味丸 三方見二十四卷第十一論

龍膽瀉肝湯 方見三十四卷第八論

補肝散 方見七卷第十七論

歸脾湯 逍遙散 二方見二十四卷第日論

養腎散 方見後

婦人腰脚疼方論第八

腎主於腰脚女人胞絡係焉若勞傷腎氣風冷客於脉絡故腰脚作痛也治當補元氣為主佐以祛邪之劑

愚按前症若真陽衰敗寒邪乘襲手足俱冷頭痛惡寒或嘔吐腹痛等症宜用本方若氣血虛弱寒邪所感惡寒發熱頭痛作渴或嘔吐腹痛等症宜用五積散若元氣虛弱濕熱所傷兩脛腫痛寒熱身疼或嘔吐不食等症宜用續命散若脾胃虛弱元氣下陷寒熱嘔吐發熱頭痛喘渴體倦等症宜用補中益氣湯若足三陰精血虧損陰火內動內熱晡熱作渴痰甚小便頻數等症宜用六味地黃丸若足三陰陽氣虛敗惡寒發熱手足俱冷吐痰不食二便滑數等症宜用六味地黃丸

附治驗

一婦人先腰膝作痛後兩腿亦痛余以為足三陰虛寒外邪所

傷用小續命湯及獨活寄生湯或作或止所用飲食極熱腹
中方快余曰邪氣去而元氣虛寒也診其脈果沉細用養腎
散漸愈又用十補丸而痊

一婦人所患同前但發熱作渴喜冷飲食脈洪數按之遲滑余
以爲血虛有熱用羚羊角散去檳榔加白朮茯苓數劑更用
加味逍遙散而瘥

一婦人患前症時或腿膝作痛脈浮數按之遲緩此元氣虛而
風濕所乘用獨活寄生湯頓愈又用八珍湯而安

一婦人因怒患前症寒熱往來口苦不食晡熱內熱余以爲肝
火血虛先用小柴胡山梔頓愈又用加味逍遙散而瘳

一婦人患前症寒熱頭痛殊類傷寒此寒邪之症用檳蘇敗毒

散而安又用補中益氣調補而愈

骨碎補散

治陽氣虛弱外寒所侵腰脚疼痛腹脇拘急

骨碎補炒

草薢酒炒

牛膝酒炒

桃仁去皮

海桐皮

當歸酒拌

桂心

檳榔各五

赤芍藥炒

附子炮

川芎

枳殼麩炒各二分

右薑棗水煎

養腎散

治腎經虛弱風寒所侵以致腰脚疼痛不能步履

蒼朮

兩乾蝎三錢

天麻

草烏頭炮去皮尖

黑附子炮去皮脂各二錢

右為末每服一錢酒調服麻痺少時隨愈孕婦勿服此治風

寒傷腎膀胱虛寒之良藥用之得宜殊有神効

附方

五積散 方見後

續蘇敗毒散 方見二十四卷第十論

神中益氣湯 方見二十四卷第六論

十補丸 六味丸

八味丸 三方見二十四卷第十一論

小續命湯 方見前 十九卷八論 獨活寄生湯 方見前

羚羊角散 方見前

加味逍遙散 八珍湯 二方見二十四卷第四論

小柴胡湯 方見二十四卷第二論

婦人風濕氣方論

婦人脚氣乃肝脾腎三經或胞絡氣虛為風毒所搏而患蓋胞

絡屬於腎主於腰脚三經絡脉起於足中指若風邪客於足從下而上動於氣故名脚氣皆由六淫七情或產後或經行風毒相搏其症或頭痛身熱肢節作痛或太便秘結小便不利或脚膝緩弱足脛腫滿或腰膝枯細忪悸嘔逆或小腹不仁舉體轉筋或胸滿氣急通體酸痛用香蘇散加檳榔生薑若寒中三陽必冷用小續命湯若暑中三陰必熱用小續命湯去附子大躁者紫雪最良無紫雪以自合薄荷煎冷水調服太便秘用脾約丸麻仁丸三和散補藥淋洗皆太禁也

愚按嚴用和先生云前症初患不覺因他病乃發先從脚起或緩弱痺痛不能行履或兩脛腫滿或足膝細小或心中正忪或小腹不仁或舉體轉筋或見食作嘔或胸滿氣急通體

脈其脈浮而弦者因於風濡而弱者因於濕洪而數者因於熱遲而濇者因於寒男子由於腎氣虧損女子血海虛弱七情所致竊謂前症若足三陰虛弱用還少丹若脾氣虛寒用八味丸若飲食停滯腎腿痠脹浮腫作痛此脾氣下陷用六君子少加柴胡升麻不應須用八味丸若發熱口渴月經不調兩腿無力此足三陰血虛火燥用六味八味二丸兼服前症西方之人多患之因素食乳酪脾胃壅滯脛足腫滿至於南方亦有因膏粱厚味濕熱下注而患者故古人謂之瘧疾所用之方多踈通發散之劑然感於勞過度虧損三陰治法又當以固本為主故六物附子為元氣虛弱寒邪內侵之聖藥所屬各經等方附後

附治驗

一婦人兩脇赤痛寒熱口苦嘔吐懶食面色青黃或赤此肝木乘脾土用小柴胡湯加山梔升麻茯苓二劑頓愈又用小君子湯加柴胡山梔全愈

一婦人飲食勞役兩脇兼腿疼痛或時寒熱余以為脾虛濕熱下陷用補中益氣湯加山梔茯苓半夏治之而痊後復作用六君子湯加柴胡山梔全愈

一婦人經行後寒熱晡熱兩腿作痛此肝經血虛也用加味道遙散加山梔治之而愈後因勞日晡肉熱或用四物黃柏知母之類前症益甚更加食少作瀉余以為元氣下陷前藥復傷先用六君子湯加補骨脂二劑調補脾胃而瀉止食進又

用補中益氣湯升舉元氣而痊

大腹皮散

治脚氣肢節煩疼心神壅悶或頭暈喘嗽不食

大腹皮

紫蘇

木通

桑白皮

羌活

荆芥

赤芍藥

青皮

木瓜

獨活

枳殼

麩炒一錢

右薑葱水煎

半夏散

治脚氣上攻心腹脹滿飲食不下嘔吐不止

半夏

薑製

陳皮

人參

大腹皮

桂心

各三分

檳榔

錢一

赤茯苓

紫蘇

各五分

右薑水煎

桑白皮飲

治兩脚浮腫小便赤澀腹脇脹滿或喘嗽痰湧嘔

吐不食

桑白皮炒

郁李仁去皮

赤茯苓各錢

木香

防已酒拌

大腹皮

紫蘇子炒

木通去節

檳榔

青皮各五分

右薑水煎

附方

太黃左經湯

治四氣乘注足陽明經以致臑腿作痛或足脛

赤腫嘔吐不食大小便秘結或惡食喘急自汗等症

細辛

茯苓

羌活

大黃煨

甘草炙

前胡

枳殼炒

厚朴薑製

黃芩炒

杏仁去皮尖等分

右每服五錢薑棗水煎

麻黃左經湯

治風寒暑濕乘注足太陽經以致腰足痠痛肢

節重痛或增寒發熱無汗惡寒或自汗惡風頭疼

麻黃 乾葛 細辛 白朮 茯苓

防已拌酒 桂 羌活 甘草炙 防風

右每服半兩薑棗水煎服

半夏左經湯 治足少陽經為風寒暑濕乘注以致惡寒發熱

腰腿疼痛或頭目眩暈嘔吐不食或熱悶心煩腿痺不隨

半夏薑製 乾葛 細辛 白朮 麥門冬去心

茯苓 桂枝 防風 乾薑炮 黃芩炒

小草 甘草炙 柴胡

右每服半兩薑棗水煎熱悶加竹瀝喘急加杏仁桑白皮

六物附子湯 治惡氣乘於足太陰經以致骨節煩疼四肢拘

急自汗短氣小便不利或手足浮腫

附子炮桂

防已各四錢

甘草各二錢

白朮

茯苓各三錢

右每服半兩薑水煎

換腿丸

治足三陰經為風寒暑濕之氣所乘發為痺緩縱

或上攻胸背下注脚膝疼痛發熱行步艱辛

薏苡仁

南星

石楠葉

石斛

檳榔

草薢酒拌

川牛膝酒浸

菴活

防風

木瓜各四兩

黃芪炒

當歸酒拌

天麻

續斷酒炒各一兩

右為末酒糊丸如桐子大每服五十丸薑湯下

五積散

治風寒所傷以致脚氣疼痛或寒熱拘急嘔吐不食

等症

當歸酒拌

芍藥炒

川芎

炮薑

人參

茯苓

陳皮

桔梗炒

厚朴炒薑

白芷

蒼朮

半夏薑製

肉桂

麻黃

甘草炒各五分

右薑棗水煎

當歸拈痛湯

治濕熱為病肢節煩疼肩背沉重胸膈不利或

兼遍身作疼足脛腫痛不可忍者或濕熱流注下部瘡瘍赤

腫

羌活

人參

苦參酒製

升麻

乾葛

蒼朮各錢

甘草炒

黃芩酒炒

當歸

茵陳酒製各五分

防風

知母酒炒

澤瀉

猪苓

白朮各四分

右水煎服

紫蘇子湯

治脚氣上攻陰陽交錯清濁不分上重下虛中滿

喘急嘔吐自汗無復紀律

紫蘇子

微炒

半夏

薑製各二兩

前胡

厚朴

薑製

甘草

炙

當歸

酒拌各二兩

桂心

陳皮

右每四錢入薑棗煎服

還少丹

方見二十三卷第四論

六味丸

八味丸

二方見二十四卷第十一論

小柴胡湯

方見二十四卷第二論

六君子湯

補中益氣湯

二方見二十四卷第六論

加味逍遙散

方見二十四卷第四論

婦人良方卷之四終

